

5937

26

2-19

43° ՀՐԱՏԱՐԱԿՈՒԹ. ԴԱԻԹԵԱՆ ԳՈՐԾԱԿԱԼՈՒԹԵԱՆ

1007 2009

ԲԱՑԱՏՐՈՒԹԻՒՆ
Ս. ՊԱՏԱՐԱԳԻ ԱՐԱՐՈՂՈՒԹԵԱՆ

« Ձայն աղաւիտի առ իմոյ յիշատակի »

ԵՐԿՐԱՍԻՐԵՅ

ԿՐՕՆԻՏԷՍ ՔԶՆՅ. Ք. ՆԱԼԲԱՆԴԵԱՆ

Սեբաստիա

5 199

ՆԱՄԱԿ ՄԸ

Մ. Պ. ՆԱԼԲԱՆԴԵԱՆԻ

ՎԱՐԳԱՊԵՏ Ի ԳԻՏՈՒԹԻՒՆՍ

معارف نظارت جلیه سنك ومطبوعات داخله مدیریت عالی سنك
۵۸۴ نومرولی رخصتنامه سیله طبع و نشر اولمشدر .



Տպագր. Մ. ՍԱՐԳՍԵԱՆ Եւ ԸՅԿ.

Պայք Այի հաստի քիւ 38

1903

26
G-19



26

G - 19

ՍԻՐԵԼԻ ԵՒ ՊԱՏՈՒԱԿԱՆ ԵՂՐՈՐՍ

ՄԱՐՏԻՐՈՍ Է.Թ.ՆԱԼԲԱՆԳԵԱՆԻՆ

ՆՇԱՆ

ԿԱՐՕՏԱԳԻՆ ՍԻՐՈՑ ԵՒ ԽՈՐԻՆ ՀԱՄԱԿՐԱՆՔԻ

ԵՐԿԱՍԻՐՈՂՔ

09.07.2013

5937

Սևեռասիրելի եւ արժանայարգ եղբայրս ,

Մեծ հանոյժով կարգացի , իր ձեռագիր վիճակին մեջ , «Բացատրութիւն Ս. Պատարագի Արարողութեան » անուն համառօտ , այլ սեղմ ու շահեկան երկասիրութիւնդ , զոր իմ անուանս ձօնելու քարոքիւնն ու փափկանկատութիւնն ունեցած ես : Այս մասին խորին ու անկեղծ շնորհակալիքս կը յայտնեմ : Ի՞նչ ձօն աւելի քաղցր ու սրտաձօնիկ պիտի ըլլար ինձի՝ քան հարազատ ու սիրակցորդ — չեմ ըսեր կղերական , քանի որ ոչինչ՝ եղբայրական սիրայօղ , պիտի ու կուռ կապին աւելի սիրտ կապ մը կրնայ դնել երկու եղբայրներու մեջ — եղբօր մը երկասիրութիւնը , որ , սրուած ըլլալով մանաւանդ անոր խմբագրութեան պարագաները , ա՛յնքան մեծարժեք ու բանկազգին է ինձ : Արդարեւ , ինչպէս շատ իրաւամբ կ'ըսես յառաջաբանիդ մեջ , երբ եկեղեցին իր բարձրաստիճան ամեպատուական ու սրբազան անդամներէն մեկուն ձեռնով , որ միայն օրհնելու սովոր էր , սխալ տեղեկութիւններու վրայ ու անմեթելի բախանձանքներու տեղի տալով՝ քեզ պատժած էր , դուն հակադատակ քեզի դեմ եղած անիրաւութեան , փոխանակ զայրանալու , դառնանալու , նեմարիտ ու վեհօգի կղերի մը յատուկ ու վայել ընթացք մ'ունեցար , մինչեւ այն օրը , որ կեդր. կրօն. ժողովը , խնդրին տեղեկանալով՝ անպատճառ՝ ու կարելի չէ անձուտ չափազանցել ըսելով նոյն իսկ՝ անիրաւ դատեց քու պատիժդ , որուն բարձունքն հրաժայեց իսկոյն , մեծ յուսախաբութիւն պատճառե-

695-93

ով անոնց որ անպայման կերպով, այսինքն երկար սարիներու համար պատժուած ըլլալդ քարոզելուն, հոշակելուն մէջ դրած էին ինչ որ ուսուցիչին գոհունակութիւն մը : «Իրագեղ»ին գրութիւնները պարզեցին թեղի դէմ եղած բոլոր հակառակութիւնները, ուրիշներու սրտներուն բուն ու իրական պատճառները, այնպէս որ զանոնք անգամ մ'ալ կրկնելու ձանձուրութիւնն յանձն առնել իսկ չ'արժէր : Ինչ որ սակայն զիս մեծապէս հպարտացուց, քան որ այդ ամենուն դէմ ցոյց տուած քիստեմեական ոգիդ, անյիշատար ու ներողամիտ ոգիդ է, որ Աւետարանի նշանակութիւնն յատկապէս հիշեցն է, եւ որով միայն նշանակութիւնն հոյսով վարձականէ, արհեստաւոր կղերք՝ կոչուածով սասարեկին մէջ նետուած կղերէն, գառը՝ ոչխարի մտքով գայլին կը զանազանի : Ամեն անոնք որ անձուկ ու հիւանդագին ոգիով մը կուրացած չէին, ուրախութեամբ տեսնէին մէջդ նշանակութիւնն կղերքը որ գիտէր նոյն իսկ անիրաւութեան մը դէմ սեր ու անյիշատարութիւնն ցուցնել : Ասոնք ա'լ աւելի պիտի զարմանան երբ ինձի պէս տեսնեն թէ ո'չ միայն եկեղեցիին դէմ դառնացած չես, այլ նոյն իսկ անոր ծառայելու, օգտակար ըլլալու համար գործածած ես ժամանակդ :

Ահա այս պայմաններուն մէջ ի լոյս բերած երկասիրութիւնդ է որ ինձի կը ձօնես . — պայմաններ որ զայն ա'լ աւելի բանկագին կ'ընեն ինձի համար :

Մեկէ աւելի խստակցութիւններ՝ ըսել կ'ուզեմ, ուղիք կլլող եւ մեղուկ բաժնուներ, սակայն, կարելի է սրբապղծութեան պէս բան մը պիտի նրբ-

մարեմ այդ ձօնիդ մէջ : Այսինքն հապա կրօնական գիրք մը բիրտ ու կոտորակալ զբաղող, նիւթն ուսումնասիրող, նիւթին յատկութիւններն ու օրէնքները հոշակող, այն է՝ (անձուկ մտքերու համար) նիւթապատէ մեկու մը ձօնել, թէ ալ մեկը եղբայր մ'ըլլայ, արդարեւ սրբապղծութեան մօտեցող իրողութիւն մը կը պարունակէ : Թողո՛ւնք այդ խստակցութիւնները, իրենց մուր ու միջնադարեան խուլցերուն մէջ (!), իրենց ո'չ նուազ մուր ու միջնադարեան կրօնական գաղափարներուն հետ երես երեսի : Այսպէս շնորհելու մեկէ աւելի պատճառներ ունենալ : Գիտէիր արդարեւ թէ երկար սարիներ եկեղեցիին ծառայելու պատճառն ու հանոյքը ունեցած եմ, այնպէս որ Ս. Պատարագի արարողութեան վրայ գրուած մը մեծ հանուրեամբ պիտի ընդունենի : Այս տղերք կարգացող մը, երէն՝ աւելի ճիշդ ըսելով՝ ծայրայեղօրէն նոր գաղափարներով տոգորուած ըլլար, գուցէ չվարաներ « սիրացու » կոչելու զիս, իրեն վերապահելով շատ բնական ու հասկնալի այլամեծութեամբ մը, « ոչ-սիրացու » ի մեկնեցողի : Դպիր, այո՛, եղայ երկար սարիներ, եւ չգիտեմ թէ ի՞նչ վնաս հասցուցած է ինձի այդ վիճակը (ի բաց առեւտրի կողմիցի սկստութիւն մը, որ դարձապէս զգիտութեան արդիւնքն է միայն), ի՞նչ արգելք եղած է ինձ այն՝ գիտական եւ ուրիշ ասպարեղներուն մէջ, թէ ի՞նչպէս զարգացման եւ քաղաքակրթութեան վնասած է : Իրաւ է որ յանախ պատճառանքներ են որ պատճառի դիմակին տակ կ'երեւան : Բնականաբար չեմ շփոթեր եկեղեցասիրութիւնը եկեղեցամոլութեան, կրօնասիրութիւնը կրօ-

նամուրքեան հետ: Չեմ անգիտանար քե կրօնա-
մուրքիւնը կրնայ վստահաւոր ըլլալ մայիկն կազ-
մաւորութեան, միակողմանի բնելով դասողու-
քիւնը, ընդարձացնելով, փնացնելով ուղեղային
բջիջներու մէկ մասը, որով գործունեութիւնը,
կեանքն ալ միակողմանի ու այլանդակ կրնան
դառնալ: Ի՞նչ հարկ, սակայն, այս ծայրայեղու-
քեան երբալ երբ խնդիրը մեր եկեղեցիին վրայ է,
որը, իր լայն սկզբունքներուն շնորհիւ, շատ աւե-
լի գերծ է անկէ քան ուրիշ ո՛ր եւ է եկեղեցի որ
նոյն իսկ «բարեփոխուած» անունը կը կրէ:

Յետոյ, գիտես քե հաւատքի եւ գիտութեան մէջ
եփոթութիւն կարելի չէ, ինչ որ յօդուածի մը մէջ
համառօտակի նկատած եմ: Նախ պէտք է ըսեմ քե
Գիտութիւնը գիտէ յարգել ամէն ինչ որ անկեղծ է,
ու անոր համար ծաղրելը, բառերու հետ խաղալը,
գրագիտական ձեւերու կամ ո՛ր եւ է տրամաբանա-
կան հաստի մը մէջ նշանակուած սոփեսական
ժարերու դիմելը՝ ապացուցանել, փաստաբանել
կամ ժխտել չէ բնու: Հարկ չկայ ըսել նաեւ քե
ձեմարտութիւնը մէկ է եւ ո՛չ քե հակասական, ինչ-
պէս կ'ուզեն ոմանք: Այնպէս որ ինչ որ նշանա-
տութիւն է գիտութեան մէջ, չի կրնար սուտ ու սխալ
ըլլալ հաւատքի եւ անոր արտայայտութեան (==կրօն-
փիլ) մէջ, եւ ինչ որ սուտ ու սխալ է գիտութեան
մէջ, չի կրնար նշանատութիւն ըլլալ հաւատքին մէջ:
Մեր մտքի կազմակերպութիւնն արդէն չի կր-
նար ընդունիլ «հակասական նշանատութիւններ» ու
պէս աստիճաններ, որոնք գրագիտական ձեւ մ'ըլ-
լալէ զատ ուրիշ նշանատութիւն չունին: ձեմար-
տութիւնը մէկ է ուր որ ալ ըլլայ, ու անոր հա-
կառակը գտնել կարելի չէ:

Գիտութիւն եւ հաւատք իրարու հետ եփոթելու
տեղի չկայ բնաւ, քանի որ անոնց առարկաները,
ասպարեզները բոլորովին անջատ են իրարմէ:
Հաւատքը կը սկսի եւ պէտք է որ սկսի անկէ ուր
գիտութիւնը կը կասի, ինչպէս անձանօրը կը սկսի
անկէ՝ ուր ծանօթը կանգ կ'առնէ: Ահա ինչո՛ւ չեմ
կրնար հասկնալ բնաւ քե ի՞նչպէս մէկը միւսին կը-
նայ վնասել, քե ի՞նչպէս ոմանք գիտութիւնը հաւատ-
քին բռնամիտ կը կարծեն եւ ոչ քե ասոր ամենա-
հարկաւոր լրացուցիչը: Ո՞վ կրնայ ուրանալ հա-
ւատքի գոյութիւնն ու ասպարեզը: Կարելի՞ է ըսել
քե երկրիս վրայ չկայ անհաւատ մը, բառին բուն
ու ընդարձակ նշանակութեամբը: Բնակսնաբար
միջավայրին, զարգացման ասիւնանին, ժառան-
գականութեան եւ քաղաքի ուրիշ շատ մը պարա-
գաներէ կախում ունեն սրով անոր ըմբռնումը, միտ
միտելոյնը եղած ջէ ամէն դարերու, ամէն ցեղե-
րու եւ ազգերու, նոյն իսկ ամէն անհասներու
մէջ: Ժամանակին ընթացիկն հետ հաւատքը աւելի
աննիւթական, աւելի իտեալական, աւելի բարձր
ու լայն եղած է: Ոչ ոք, անուտես, պիտի պահանջէ
որ զարգացած մէկը ռամիկի մը ըմբռնումը ու-
նենայ հաւատալիքի մասին, եւ ոչ ոք անուտես
պիտի համարձակի ռամիկին հաւատքը, ռամիկին
ըմբռնումը, յարգելի միայն իրենց անկեղծու-
քեանը համար, իբրեւ խարխիս ու օրինակ նկա-
տել ուրիշներու հանդէպ: Բարոյական եւ մտաւոր
զարգացման օրէնքը անխուսափելի է ու անդի-
մադրելի, այն է որ կ'իջիտ գործունեութեան
ամէն հիւղերուն վրայ: Երկկուան անձանօրը այս-
օր գոնէ մասամբ ծանօթ է, որով ծանօթին, շատ

փելիին սահմանները , դարերու ընթացքին մեջ , հետզհետէ ընդլայնած են՝ մխուելով միշտ անձա-
 ճօրին , անօճափելիին մեջ : Այս պայմար սեղի
 պիտի ունենայ նաեւ յաջորդ դարերու մեջ , ցոր-
 չափ խորհող եակ մը պիտի զտնուի այս երկրիս
 վրայ : Բնութիւնը արդէն անհամար գաղտնիքներ
 պարզած է մարդուն : Աւելի նիւտ պիտի ըլլար
 ըսել քէ մարդկային միտքը կորզած է զանոնք ան-
 կէ , ու բնաւ իրաւունք չունինք վայրկեան մ'իսկ
 մտածելու քէ ապագային ալ նոյն իրողութիւնը
 սեղի պիտի չունենայ : Այսպէս , ուրեմն , ծանօթ ա-
 խարհի սահմանները միշտ ընդարձակելի են եւ սեղի
 տողը պիտի ըլլայ միշտ անձաճօրը : Անճուտ այս
 իրողութեան մեջ բնաւ ցաւառիթ պարագայ մը
 չկայ , եւ վստահ եմ քէ մարդ պիտի չմտծէր ան-
 հունին ծանօթութիւնը , երբ այս բանը նիւթակա-
 նապէս կարելի ըլլար : Ըսե՞լ է այս քէ օր մը հաւաստք
 այլեւս գոյութեան իրաւունք պիտի չունենայ . դրա-
 կան պատասխան մը , ուրկէ եւ որմէ որ ալ գայ ,
 յանդգնութիւն մը պիտի ըլլայ միայն , խօսք մը որ
 ո՛ր եւ է իրողութեան ու փաստի վրայ պիտի չկրնայ
 յենուլ : Գիտութիւնը իրաւունք ու ձեռնհասու-
 րիւն չունի բնաւ հաւաստքին դեմ ելլելու , ցորչափ
 սա՛ անձաճօրին , անօճափելիին մարգերուն մեջ
 պարփակուած պիտի մնայ : Արդարեւ անոր հա-
 ստումներն ու ժխտումները այն ասեմ միայն իրա-
 կան արժեք մ'ունին երբ դրական , նիւթական
 փաստերու , փորձերու , օրէնքներու վրայ հիմնը-
 լած են : Գիտութիւնը կրնայ ժխտել իրողութիւն
 մը , երեւոյթ մը իբրեւ հակասական՝ արդէն իսկ
 բոյորովին հաստատուած իրողութեան մը , երեւոյ-

րի մը : Գիտութիւնը հակասական հումարսութիւն
 չ'ընդունիր , եւ ի՛նչ որ սխալ կ'ընդունի , կը դա-
 սապարտէ ո՛ւր որ ալ զտնէ : Այս պարագաներէն
 զատ , անոր ժխտումներն անարժեք են : Եւ ո՛ր խոր-
 հող միտք կրնայ վայրկեան մ'իսկ ուրանալ այն
 անսահմանութիւնը որ կը տարածուի մեր տեսած
 ամենահեռաւոր լուսաւորներէն անդին : Ո՞վ կը
 համարձակի ըսել քէ մարդկային միտքը կրնայ ընդ-
 գրելիլ անհունութիւնը իր անհուն գաղտնիքներովն
 ու հրաշալիքներովը : Ո՞վ կ'ուրանայ , վերջապէս ,
 սկիզբի եւ վախճանի հարցին անլուծելի գոյութիւ-
 նը : Հարցումը փոխել՝ խնդիրը լուծել չէ բնաւ :
 Բայց կարելի է պիտի ըսես . « Հապա ինչո՞ւ
 անհաւատ գիտնունք կան : » Անհաւատ գիտուն , ըս-
 իս այդ խօսքը անիմաստ հակադրութիւն մ'է միայն :
 Ըսի արդէն քէ աշխարհիս վրայ անհաւատ զտնելը
 շատ դժուար է , ու գիտնունքներուն մեջ պիտի չը-
 լայ այն : Գիտունը , որ ամէն օր անհուն անձաճօ-
 րին առջեւ կը զտնուի , ան՝ որ տեսնուող օր-
 օրեան մը արտայայտութիւնը կը տեսնէ ու կը
 զտնէ ամէն կողմ , չի կրնար անհաւատ ըլլալ , չի կր-
 նար ուրանալ անձաճօրին , ինչպէս նաեւ ծանօ-
 րին մեջ տիրող հիանալի կարգաւորութեան գոյու-
 րիւնը : Անոր հաւաստքը բնականաբար շատ անելի
 ներացած , շատ անելի վերացած , շատ անելի
 իսկողացած է , այնպէս որ ոմանց համար նոյն
 իսկ անտեսանելի դարձած է : Բայց ո՞վ կրնայ
 պախարակել զանոնք այդ վերին աստիճանին հա-
 սած ըլլալուն համար :

Շատ անգամ պարզապէս տգիտութեան պատ-

հառաւ կրօնիին ու հաւաստիին կցուած ու անոնց հետ բնաւ առնչութիւն չունեցող իրողութիւններու վրայ գիտութեան կողմէ եղած յարձակումները պատճառ եղած են այս երկուքին մէջ իբր քե՛նք հակադէպ ոգիի մը գոյութիւնը նշմարել տալու, ոգի որ շատ անգամներ շահագործուած է : Պարզ օրինակ մ'առնենք : Գիտութիւնը ի՞նչ կերպով հաւաստիին հակառակած կ'ըլլայ երբ պնդէ քե՛նք արեւը — այսինքն երկիրը — իր ընթացքին մէջ չի կատարէ բնաւ, քե՛նք ասոր հակառակը կարգացած ըլլանք : Չէ՞ մի որ արեւն ու անոր ընթացքը ծանօթ աշխարհին կը պատկանին, որով գիտութեան տակ կ'իյնան եւ ոչ քե՛նք հաւաստիին, որ — ինչպէս գիտենք — անձանօրին կը վերաբերի : Գիտութիւնը նաեւ ի՞նչպէս հակառակած կ'ըլլայ հաւաստիին երբ, օրինակի համար, ուզէ բացատրել մարդկային ծագումը բանաւոր ու բնական կերպով մը : Միքէ հին տեսութեան մը տեղ, մարդկային մտքին յագրութիւններէն օգտուելով, նոր տեսութիւն մը դնելը հաւաստիին գոյութիւնը ժխտել է : Ճշմարտութեան հետապնդումին մէջ, որքան ալ խառնափուն ըլլայ այն, արժանիք մը, սրբութիւն մը չկայ միքէ : Չէ՞ մի որ ճշմարտութիւնը սուրբ է, պատշէտի է : «Ասուած ճշմարտութիւն է» կ'ըսէ Ս. Գիրքը : Արդ՝ ամեն անոնք որ ճշմարտութիւնը կը փնտռեն ու երեւան կը հանեն, ամեն անոնք որ կը հետապնդին ճշմարտութեան, ինչ՞ եւ ո՞ր սահմանի մէջ ալ ըլլայ այն, կատարեալ հաւաստացողներ, արժանաւոր՝ բարեպատճ՝ ասուածապատենք են : Հակառակը պնդել, ինչպէս նաեւ չընդունիլ այս կամ այն ճշմարտութիւնը — որովհետեւ

սեւ մեր գաղափարներուն, մեր ըմբռնումներուն կրնայ հակառակիլ, — ճշմարտութեան՝ որով եւ Ասուածոյ դէմ գլուխ վերցնել է :

Ուրեմն սխալին դէմ կը պայքարի գիտութիւնը : Ո՞ր կրօնականը պիտի համարձակէր նոյնացնել հաւաստի սխալին հետ : Հաւաստի պէտք է հոն ուր գիտնալը կարելի չէ, ոչ ոք կ'ուրանայ քե՛նք գիտնալը խորապէս ու իսկապէս հաւաստի է, համոզուելի է, մինչդեռ հաւաստի գիտնալ չէ, այլ չգիտցուածին, գիտցուելը կարելի չեղած անձանօրին, անյուծելի կամ տակաւին չյուծուած գաղտնիքին բացայայտ խոստովանութիւնն է :

Աշխատութեանդ մէջ, տեղ մը, ժամանակիս ոգին մասնանիւ ընելով, գիտունները «ժողովադի» անականով մը որակելու պէտքն զգացել են : Պիտի ներսն անտուտ որ այս մասին ուժգնապէս բողոքեմ թեզի, այնքան աւելի ուժգնապէս որքան այդ միտումը, այդ պէտքին զգացումը շատերուն հով յայնմապէս կ'երեւի, այնպէս որ շատերուն բարգմանն եղած են գիտունները «ժողովադի» կոչելով : Նախամեծար պիտի համարէի եւ շատ աւելի նպատակայարմար պիտի դատէի երբ « ժամանակիս քերուները » գրած ըլլայիր, բան մը որ իրականութեան մը պատկանելու, իրականութեան մը կատարեալ պատկերացումն ըլլալու առաւելութիւնն ու ճշտութիւնը պիտի ունենար : Արդարեւ, մեզմէ շատեր՝ գիտուններու տեղ կը դնեն քերուները, որ ժողովադի ու ինքնահաւան ըլլալու հակամէ են ու կարօտ : Ահա քե՛նք ինչո՞ւ անոնց մասին, ուր կամ կանուխ, յուսախաբ կ'ըլլանք : Չփօթի՛նք, կամ մեկ մեզ չխաբե՛նք. — մեկ երկու հասոր գիտ-

կան, գրական, բանասիրական, եւայլն, կարդալով, բոլրատեղով մարդ գիտուն չ'ըլլար, երբ այս բանով կը հասկնանք savant բառը: Նոյնպէս, օտար լեզու մը կամ լեզուներ գիտնալով, օտար երկիր գացած ըլլալով մարդ գիտուն չ'ըլլար անպատճառ: Նոյն իսկ հաշուփիւնը ունենանք ըսելու թէ ո՛ր եւ է համալսարանի գրասեղաններուն վրայ ժամանակ անցուցած, աշխատանոցներու մեջ քանի մը փորձեր կատարած ըլլալով անպատճառ գիտուն չ'ըլլար մարդ: Այս ամենը կրնան առաջնորդել զայն այդ սիստոպին, սակայն անկարող են զայն անոր տալու: Իսկ երբ այս ամենը չեն կրնար անպատճառ գիտուններ հասցնել, կրնան թերուսներ արտադրել, թերուսներ որոնց մտին մեջ ամեն ինչ քառասական վիճակ մ'ունի, ուր օրէնքն ու եմքադրութիւնը, տեսութիւնն ու նշանաբանները միեւնոյն արժեքն ու տեղն ունին, ուր զլացում մը կ'սիրէ այսինչ կամ այնինչ վարդապետութեան համար, որուն հով ուրիշներ կ'նուազին իբրեւ անարժեք եւ անկարելի: Թերուսներ, գիտամոլներ — կը ներես նորաբանութեանս — են ասոնք. վստահ եմ թէ խօսիչ այդ պիտիներուն ուղղած ես, ու միայն բառերու մեջ է փոքրութիւնը:

Բայց ո՛րքան երկարեցի, չգիտեմ թէ համբերութիւն պիտի ունենա՞ս ամենը կարդալու:

Կը սպասես անուշտ որ, գիտութեան եւ հաստի աննշարքիներուն վրայ այսքան երկարօրէն խօսելէ վերջ, գո՛նէ քանի մը տողով ալ կննդատեսականը ընեն: Պիտի ուզէի կատարեալ անաչառութեամբ այս պատճառ կատարել, սակայն եղբայր մը ըլլալէ աւելի՛ ներքին մեջ անձեռնհաս մ'եմ, օ-

րով պիտի զգուշանամ կննդատես մը հանդիսանալէ: Ի սրտէ կը շնորհաւորեմ ինչ այս անգրանիկ ու օտանկան աշխատութեանդ համար, որուն կոկիկ, սանուն ու խնամուած լեզուն՝ ընթերցումը դիւրին ու հանելի կ'ընէ: Հակառակ յառաջաբանիդ մէջ ցոյց տուած համեստութեանդ, բազմաթիւ օտանկան ծանօթութիւններ ստացայ Ս. Պատարագի արարողութեան վրայ, ու վստահ եմ թէ ամեն անգամ որ գրոյ՜լդ պիտի կարդան, լիովին պիտի գրնահատեն աշխատութիւնդ: Միակ թերութիւնը, ըստ իս, չափազանց համառօտ ըլլալն է: Արդեօք աւելի նպատակայարմար պիտի չըլլա՞ր դնել պատարագիչին ծածուկ աղօթքները իրենց ամբողջութեանը մեջ. չգիտեմ թէ այս մասին կրօնական արգելք մը կա՞յ: Չմոռնամ ըսելու նաեւ թէ անոր ընթերցումը արգելք չեղաւ բնաւ որպէս զի անկէ վերջ գիտական հանդէս մը կամ հասոյ մը կարողայի, ըսել կ'ուզեմ թէ Ս. Պատարագի «արարողութեան բացատրութիւնը» յառաջդիմութեանս արգելք չեղաւ: Կարելի է ժամանակին յարգը ոմանց չափ լաւ ըմբռնած չեմ տեսնուի . . . :

Ի՞նչ հարկ արդէն իմ կննդատեսութեանս. ուրիշներ այդ գործը պիտի ընեն, կննդատեսի հովեր առնողներ օտ՛ս, թեւ անոնցմէ օտեր ինծի չափօգէտ ու անձեռնհաս ըլլան այս մասին: Եւ երբ անաչառ կննդատեսութիւն մը յառաջդիմութեան օգտակարագոյն, նոյն իսկ անհրաժեշտ պայմաններէն մէկն է, մի՛ մոռնար թէ անձնականութեան տուրջ սողոսկողներ ալ պիտի ըլլան, որոնց՝ արհամարհոտ լուրքիւն մը կ'ըլլաւ: Օգտուէ՛ առաջիններէն, մի վհասիր վերջիններէն:

Սիրելի եղբայրս, նամակս վերջացնելէ առաջ, կէս մ'ալ համառօտակի ի նկատ առնել կ'ուզեմ : Ինչո՞ւ՝ ես որ երկար տարիներ եկեղեցիին ծառայած, բեմական վարժարան յանախած եմ, անկարող կը գտնուիմ Ս. Պատարագի պէս եական ու շարունակ կրկնուող խորհուրդի մը մանրամասնութիւններուն նշանակութեանցը վրայ դիտողութիւն ընելու : Ինչո՞ւ համար Ս. Պատարագի մասին «անգիտակից վիճակի մը մէջ եմ», ինչ բառերդ գործածելով : Ինչո՞ւ, միթէ կրօնագիտութեան դաս չկա՞յ մեր դպրոցներուն մէջ. — կա՞յ, այո՛, սակայն ի՞նչ կ'աւանդուի Կրօնագիտութիւն անունին տակ — Աւետարանի պատմութիւններէն ու բարոյականէն աւելի՞ Հին Կրօնականութեան եղելութիւնները, Հայ եկեղեցիին դաւանութեան, արարողութիւններուն ու ծեսերուն մեկնութեան աւելի, Հրեայ ազգին պատմութիւնը կը դասախօսուի : Չեմ բտրեք Սողոմոնի, Նոյի տապանին, Յովսէփ Գեղեցիկին, Իսրայէլի եգիպտոսէն ելին, Յետուի եւ անոր հրաշայիքներուն, Սամվաթի եւ Փղեսացիներուն եւ սակաւից բազմաթիւ Հրեայ դէմքերու եւ Հրեայ դէպքերու վրայ չխօսուի, — դասախօսներուն գործը կը դիտարացնեն երեւակայութեան զարնող՝ առաքիճական, շինիչ պատմութիւններ — բայց ասոնցմով Կրօնագիտութիւն ըրած չենք ըլլար, մասալ սերունդը բարոյական կուռ սկզբունքներով, քրիստոնէական վեհ բարոյականով տոգորած՝ հայ եկեղեցիին գիտակից ու զայն սիրող անդամներ ըրած չենք ըլլար բնաւ : Մեր կրօնական դաստիարակութեան մէջ, նոյն իսկ մեր եկեղեցիին մէջ, ամեն ջանք կ'ընենք տղան միտք օտար՝ յանախ աննշան՝ անուններով ու դէպ-

քերով խնդրելու : Չէ՞ մի որ բուն մեր եկեղեցիին սուրբերը խեղդած են օտար սուրբերու լեզուներէն մէջ : Այս վիճակին մէջ, ի՞նչ իրաւունքով կը գանգատենք քե առդի սերունդը եկեղեցիէն ուժանալու վրայ է : Յանգամեք միթէ նոր սերունդի՞նն է, քե ոչ՝ եկեղեցիին յառաջդիմական ոգին չհասկցողներուն, ու դարերէ ի վեր ի գործ դրուած բիւրեղացած, փայտացած մեքսներու մարմնացումն եղողներունը, որոնք չեն ուզեր տեսնել քե իրենց տուրք գտնողները փայտացած, բիւրեղացած հետի, միտք փոխակերպման, յառաջդիմութեան վիճակի մէջ են : Անկարելի է հեղեղ մը կատեցնել. կարելի է, սակայն, զայն սահմանափակել, ուղղել, առաջնորդել, նոյն իսկ օգտակարապէս գործածել : Երբ կլերը՝ ըմբռնելով այս տարրական նշանակութիւնը՝ անոր համաձայն ընթացք մ'ունենայ, երբ կլերը հաւատայ, չըսեմ գիտայ, քե բաներ կան որ կը հիմնան անպատեհ, ուր որ ալ գտնուին, քե նորութիւններ կան որ՝ գոնէ հիմներու չափ կրնան արժէլ, նոր սերունդին ցոյց տուած ցրտութիւնը, ինչպէս կ'ըսես, վաղանցուկ երեւոյթ մը պիտի ըլլայ միայն :

Կը յուսամ քե այս կէտերու վրայ ունեցած գաղափարներս ու դաստիարակներս նոր, միակողմանի, յստուուն ու խիստ պիտի չզգնես :

Վերջացնեմ : Հազար ներողութիւն՝ կը խնդրեմ նամակիս արտասովոր երկարութեան համար, ու կրկին անգամ ի արեւ քե քե շնորհակալ ըլլալով ինձի պատեհուած մեծ հանդիմող համար, կատարեալ յաջողութիւն կը մաղթեմ գրեւորիդ՝ սիրակարօ համբոյրով :

10 Նոյեմբեր, 1901
 Եղբայրդ
 Մ. ՆԱԼԲԱՆԴԵԱՆ

ԿՐՕՆԻ ԴԱՍԱԳՐՔԵՐ

Հրատարակիչ՝ ՍՄԲԱՏ ԴԱԻԹԵԱՆ

14.—Տարրական Ընթացք Կրօնի Ուսման, գրեց
Վարդան քահ. Ասլանեան :

20.— Համառոտ Կրօնագիտութիւն պատրաստեց
Ա. Հաբէլեան :

29.— Տղոց Կրօնագիտութիւն յօրինեց Մկրտիչ
Վ. Աղաւնուի :

36.— Ծաղկաբոյս Բրիտանական Վարդապետու
թեան երկասիրեց Աստուածատուր Մանուկեան,
(նախկին ուսանող էջմիածնայ ձեմարանին և Բե-
շերսպուրկի Պետական Համալսարանին) :



695-93

Յ Ա Ռ Ա Ջ Ա Ք Ա Ն

Երբ Առաջնորդական Փոխանորդի մը կողմէ
սրուած հրամանագրի մը վրայ կատարած պակաս-
տութեան համար անպայման կերպով փիլոսո-
ֆիկոսֆիկական դասապարտեցայ, գրկուելով Եկեղե-
ցական պաշտամունքներու մասնակցելու իրաւուն-
քս, խորհեցայ թէ այդ պարսպ ծանախս կրնայի
օգտակարապէս գործածել Աւեկասուրք Պատարագի
Մեկնութեան փորձն ընելով : Եւստ աս Սուրբ
Խորհուրդին մանրամասնութիւններուն ու արա-
րողութիւններուն վրայ սարսալ ու աղօթ ծակօ-
րութիւններ ունի միայն, չըսելու համար թէ
շատեր բողոքովի կ'անգիտանան անեղ նշանա-
կութիւնը : Յաւալի իրողութիւն մ'է այս, երբ
մանաւանդ Հայ Եկեղեցիին այնքա՛ն էական, այն-
քա՛ն հիմնական խորհուրդին՝ Սուրբ Պատարա-
գի մասին է այն : Կրօնական գգացումը, Եկեղե-
ցասիրութիւնը այնքա՛ն աւելի կ'արծարծին՝ ո՛ր-
քա՛ն սովորութեան ու կրկնումին պատճառած ու
նաեւ սգիտութեան յառաջ եկած անգիտակցութեան
յաջորդի գիտակցութիւնը : Աւեկ եկեղեցական, ի՛նչ
ասիմանի ու դասակարգի աչ վերաբերի, պարտի
կրօնական գիտակցութեան աւելնալուն, զարգանա-
լուն հետաւումս ու ջանադիր ըլլալ, իր կարողու-
թեան ու զարգացման ասիմանի համեմատ : Այս-
պէս՝ միայն կարելի պիտի ըլլայ Եկեղեցիին դիմ
ցոյց սրուած նորամտոս պաղորդութիւնը կրօնասիրա-

կան չե՛րձ զգացումով մը սափցնե՛յ, ու ուրախու-
 րեալք պիտի տեսնե՛նք քե՛ ուցածու՛նք սակաւ պիտի
 անկե՛տի: Քահանաներս ալ այս մասին աշխա-
 սակցելու իրաւունք ու պարտք ունի՛նք, ու ներելի
 չե՛ մեզի ըսել քե՛ կրօնական գիտակցութեան գործը
 վեղարաւորներու կը պատկանի, իսկ որ անոնց
 համար բացուած են բարձրագոյն դպրեմանքներ,
 միևնոյն փակուանքներս ինքնագարգացումով միայն
 կրնանք ինչ շատ առաջ գալ: Իրաւ է որ անուցմե՛
 որոնց շատ տուած է՝ շատ կը պահանջուի, սա-
 կայն՝ սա պատճառ մը չե՛ որ ինչը վայելողներն
 ալ իրենց կարելին չընեն Քրիստոսաւանդ Հօտիւն
 անունը մասկարարելու համար: Այս մտածում-
 ներն՝ վե՛ որ ուղեցի երկասիրել այս գրիպիլը, գիտ-
 նալով քե՛ որ գործը կարողութեան շատ վեր է:
 Մեկ կողմէ ապահիւնելով Աստուծոյ անբաւ օգ-
 նակաւորութեանը վրայ, միւս կողմէ օգտուելով
 մեր նախնի Սուրբ Հայրերու գրութիւններէն ու
 մասնաւորապէս Ներսէս Լաւրոնցացիին մեկնու-
 րեանէն՝ կրցայ գրուիս հասնել զայն: Կը յուսամ քե՛
 եկեղեցասեր ընթերցողը պիտի ներե՛ ինձի այս յան-
 դրգնութիւնս ու անմեղադիր պիտի գտնուի աշխա-
 տութեան քերտքիւններուն համար, գիտնալով
 որ՝ դոյզն ինչ օգտակար ըրչալու բռուն տեսչի մը,
 եւ ո՛չ քե՛ իր կարողութեան վրայ ունեցած հա-
 ռասի մ'արդիւնէն է այն:

ԿՐՕՆԻԴԷՍ ԲԶՆՅ. Թ. ՆԱԼԲԱՆՏԵԱՆ



ԲԱՅԱՏՐՈՒԹԻՒՆ

Ս. ՊԱՏԱՐԱԳԻ ԱՐԱՐՈՂՈՒԹԵԱՆ

« Զուս արարէ՛նք սու իմոյ յիշատակի »

Ս. Պատարագի Խորհուրդը հայ. Ս. Եկեղեցիին
 Եօթը խորհուրդներէն մէկն է: Ամենատարբեր
 խորհուրդեան խորհուրդին պէս, այս Ս. Խորհուրդն
 ալ բոլորովին անքննելի է ու մարդկային միտքը
 չի կրնար ամենեւին անոր վերահասու ըլլալ (Կող.
 Բ. 8): Փափաքեցայ, սակայն, մարդկօրէն կարելի
 եղած սահմանին մէջ, փոքր ի շատէ բացատրել
 Ս. Պատարագի արարողութիւնը ⁽¹⁾, ապաւինելով
 Աստուծոյ անբաւ շնորհքին և օգնականութեանը:
 Այս Աստուածային Ս. Խորհուրդը, զոր Բը-
 ժիստոս Վերնատան մէջ մեզի շնորհեց, մարդկային
 ազգն Աստուծոյ հետ հաղորդելու կամ միացնելու
 համար սահմանուած է, և անոր մէջ հացն ու դի-
 նին կը փոխարկուին ու ճշմարտապէս Քրիստոսի
 Մարմինն ու Արիւնը կը զառնան (Ս. Կորնթ.
 Ժ. 16, ԺԱ. 29, Էայլն), ո՛չ անշուշտ պատա-
 րագիչին արժանաւորութեան կամ աստիճանին
 պատճառաւ, այլ նոյն ինքն Քրիստոսի խոստումին

(1) Այս արարողութիւնը Քրիստոսի պատարագին խորհուրդն
 ու խորհրդանշանն է: Այս խորհուրդին Տէրունական Ընծրիք, Հա-
 զորողութեան Բորհուրդ և Խորհուրդ Վերջին Ընծրեաց ալ կ'ըսուի:

ու օրհնութեանը , և պատարագիչին Քրիստոսա-
 ւանդ Ս. Պաշտօնին շնորհիւ (Գործ. Ի. 24 , Բ.
 Կորնթ. Գ. 6—11) : Քանզի ա՛յլ է քահանային
 անձը , այլ՝ Քահանայական Շնորհը , որ ձեռնադ-
 րութեան պահուն Ս. Հոգիէն կը տրուի , կը ներ-
 չնչուի Քահանային (Գործ. Ը. 17—18 և Գործ. Թ.
 12—17) . Ս. Հոգին սրբազործութեան նիւթ կ'առ-
 նէ իր պարգեւած Շնորհը և անով կը նուիրագոր-
 ծէ այս Ս. Խորհուրդը : Անտարակոյս մեղքով չա-
 զախեալ Պատարագիչը դատապարտութեան ար-
 ժանի է՝ մեղքով կամ անարժանութեամբ Ս. Խոր-
 հուրդին մերձենալուն համար : Իր անձին դատա-
 պարտութիւնը կ'ուտէ ու կը խմէ՝ Տիրոջը Մարմինն
 ու Արիւնը անարժանաբար ճաշակելով ու խմելով ,
 կ'ըսէ Առաքեալը (Ա. Կորնթ. ԺԱ. 17—34) :

Պատարագը՝ մեր Փրկչին մեզի՝ մեղաւորներուս
 շնորհած պարգեւներուն ամէնէն մեծագոյնն ու
 թանկագինն է , որով մեր առօրեայ մեղքերն Ա-
 նոր փրկագործ և կենդանարար Խաչին տակ կը
 սփռենք , գիտնալով թէ Ան՝ տնօրինական խոր-
 հրդով միայն պատրաստեց մարդկային ազգի փր-
 կութիւնը , անով հաշտեցուց մարդկութիւնը Հայր
 Աստուծոյ հետ : Խորհրդական հացին և գինիին
 միջոցա՛ւ է նաև որ Փրկիչը իր Աստուածային Բը-
 նութեան հաղորդ ըրաւ մեզ , Վերնատան մէջ օրհ-
 նելով հացն ու գինին , Առաքեալներուն տալով
 և ըսելով . « Զայս արարէք առ իմոյ յիշատակի » ,
 (զիս յիշելու համար ըրէք աս) : Հայ Եկեղեցին ան-
 խախտ ու հարազատօրէն պահելով իրեն եղած ա-
 ւանդն ու պատուէրը , կը կատարէ Ս. Պատարագ
 յիշելու , յիշատակելու համար իր Տիրոջ տնօրինա-

կան խորհուրդները , Անոր՝ երկինքէն երկիր իջնելը ,
 մարդեղութիւնը , չարչարանքները , խաչն ու մահը ,
 երեքօրեայ թաղումը , մեղաւոր մարդուն տուած
 փրկութիւնը՝ ազատելով զայն մահուան ու խա-
 ւարի գերութենէն , յարութիւն առնելը , քառա-
 սուն օր աշխարհի վրայ մնալով՝ ինքզինքը ճշմար-
 տապէս ցոյց տալը , և ամէն ինչ Աստուածապէս
 նուիրագործելն և կատարելը , առաքեալներու դա-
 սը օրհնելը , երկինք համբառնալով Հայր Աստուծոյ
 աջ կողմը նստիլը , միշտ մարդկային ազգի համար
 բարեխօսելը , և վերջապէս՝ վերջին գալուտը ,
 մէկ խօսքով այն անհուն սէրը զոր Ան ցուցուց
 մեղաւոր մարդկութեան համար , սէր որ կը բովան-
 դակէ ու կը բացատրէ այս ամէնը : « Աս հացով ու
 գինիով մանաւանդ Տիրոջը մահը պատմեցէք » կ'ը-
 սէ Առաքեալը (Ա. Կորնթ. ԺԱ. 26) , որպէս զի
 միշտ զինքը յիշելով այս մեղանշական աշխարհէն
 յաւիտենականութեան դիմենք :

Այս բոլոր խորհուրդներն յիշել և Քրիստոսի
 Մարմնին և Արիւնին հաղորդ ըլլալ է անապա-
 տարագ մատուցանելը , և ոչ թէ ամէն օր խաչել ,
 զոհել , մանաւանդ դատապարտել Քրիստոս , ինչ-
 պէս կ'ըսեն ժամանակիս շաղփաղփ գիտունները :

Ս. Պատարագի խորհուրդին մէջ երեք կերպ
 ընթերցուածներ կան , ասոնք են 1⁰ պատարագիչ
 Քահանային մաղթանքը , 2⁰ Սարկաւագներու քա-
 ըրդը և 3⁰ Դպիրներու երգը :

Ժողովուրդը ջերմնառնութեամբ կրնայ , մի-
 այն մտքով , դպիրներուն հետեւիլ (1) :

(1) Թէև ցանկալի էր որ ժողովուրդը երգեցողութիւններուն
 վարժուելով՝ ներդաշնակօրէն ձայնակցէր դպիրներուն :

Ուրիշ տեսակէտով մը՝ Ս. Պատարագի Խորհուրդին մէջ տեղի ունեցած ընթերցումները երկու մասի կը բաժնուին, մէկը ծածուկ, իսկ միւսը յայտնի: Ծածուկ են այն ընթերցումներն ու աղօթքները, զորոնք պատարագիչը առանց ժողովրդէն լսուելու կը կարդայ խորհրդատետրին վրայ (1), իսկ Պատարագիչին, Սարկաւագներուն և Դպիրներուն բարձրաբարձու աղօթքները, քարոզներն ու երգեցողութիւնները յայտնի կը կոչուին:

Ս. Եկեղեցին Աստուծոյ տաճարն ու տունն է (Ս. Կորնթ. ԺԱ. 20). Երկնաւոր Թագաւորին պալատն է, և Ս. Սեղանն՝ անոր աթոռը: Ժամաբար Քահանան կուգայ Աստուծոյ առջև Սարկաւագներով ու Դպիրներով ընկերացած՝ Պատարագի Ս. Խորհուրդը կատարելու:

Նախ և առաջ՝ Քահանան, յետ ապաշխարութեան (Ս. Գիրք կարդալով, սաղմոսելով, և այլն) և խոստովանութեան, հանդարտ ու մաքուր սրբտով, Աստուծոյ ապաւինելով, հեղութեամբ, խոնարհութեամբ, ամէն շար խորհուրդներէ հեռացած՝ պահարանը կամ աւանդատունը կը մտնէ զգեստաւորելու համար:

Քահանային աւանդատուն մտնելն և իր սովորական հագուստները մասամբ մերկանալով ուրիշ փառաւոր զգեստներ հագնելը՝ կը նշանակէ մեղքի հին մարդը մերկանալ և զՔրիստոս զգեստուլ, սրբութեամբ և արդարութեամբ նորոգուելով՝ մաքի մաքրութիւն, սրտի սրբութիւն և

(1) Հարկ չտեսայ բացատրելու, բանի որ Սարկաւագներուն ու Դպիրներուն ըսածներուն զրէթէ յար և նման են:

քաջութիւն ստանալ: Պարտ է մեզ՝ ո՛չ միայն Աստուծոյ առջև սուրբ կամ բարի ըլլալ, այլ և առաջի մարդկան, ինչպէս կ'ըսէ Առաքեալը (Ք. Կորնթ. Ը. 21): Քահանաները տիեզերքի Գերագոյն Թագաւորին՝ Աստուծոյ՝ պաշտօնականներն են, որոնք հանդէսի մը ատեն իրենց շնորհուած պերճ հանդերձները կը հագնին, որպէսզի իրենց աստիճանին վայել փառքովը երեւան: Հոս Քահանան Տիրոջը պաշտօնը կը փառաւորէ շքեղ զգեստներով, ո՛չ թէ իր անձը: Բնականաբար՝ Քահանան մարմնական զարդարումին հետ, ու անկէ աւելի, հոգեւորապէս և մտաւորապէս իր անձը զարդարելու ջանադիր պիտի ըլլայ միշտ, վասն զի երեքն ալ իրարմէ անբաժան են, ու կարելի չէ բնաւ անտեսել մանաւանդ վերջինները, եթէ արտաքին ճոխութեան՝ չ'ուզեր որ ներքին ցնցոտիներ հակասեն: Աստուած հրամայեց Մովսէսին որ պայծառ և վայելուչ հանդերձներ հագնի Ահարոն (1), որ պիտի սրբէր ժողովուրդը Քահանայագործութեամբ (Ելից. ԻԸ.): Երբ Ահարոնի որդիները, Նաբաթ ու Աբիութ, անարժանաբար մտան Ս. Խորանը — հաւանականաբար զինուցած լինակի մէջ —, կրակը բուրվառէն ելաւ ու այրեց զանոնք, բայց անոնց հագած քահանայական զգեստներուն շիշխեց մերձեկնալ (Ղև. Ժ.): Եղեկիէլ մարգարէն ալ քահանայական զգեստներով զարդարուած տեսաւ Հրեշտակապետը, զի կ'ըսէր « Որ զգեցեալն էր զպճղնաւորն » (ժողաւոր, փիլոսփիլոզիա, և մինչև ոտքին պճեղները հասնող երկայնաքղանց հանդերձ):

(1) Հին Կտակարանի մէջ յիշուած Ահարոնեան Քահանայական զգեստին սակաւ ինչ բարեփոխուած ձեւն է հիմակուանը:

695-93

Քահանան զգեստաւորուելէ առաջ կըսող մտէ,
 « Յիշեա՛, Տէր, զԴաւիթ և զամենայն հեզութիւն
 նորա » և այլն. — Ո՛վ Տէր, յիշէ՛ Դաւիթն ու անոր
 խոնարհութիւնը, յիշէ՛ խոստումները Դաւիթի որդե-
 իրն՝ Յիսուսի, որ Քու ալ ընական Որդիդ է, Ա-
 նոր՝ իր չարչարանքներովը՝ մեղաւորներուս տուած
 փրկութիւնը և մեզ՝ Քու հետ հաշտեցնելը, և այլն:
 Սաղմոսէն ու ազօթքէն վերջ Քահանան կը սկսի
 զգեստաւորուիլ, իւրաքանչիւր զգեստի համար
 զատ զատ աղօթքներ ու խնդրուածքներ ընելով:

Զգեստին իւրաքանչիւր մասը իր նշանակու-
 թիւնն ունի, զոր հաւաստակի կը ներկայացնեմ:

Սաղաւարտը կը խորհրդանշանէ Քրիստոսի յաղ-
 թութիւնը, որով Անիկա փրկեց մարդկային ազգը
 սատանային՝ այսինքն խաւարին ու ատելութեան
 զերութենէն:

Շապիկը՝ Քրիստոսի անմեղութիւնն ու մաք-
 րութիւնը:

Փորուրարը, զոր երկու ուսերուն վրայ կ'առ-
 նէ Քահանան, կը նշանակէ Քրիստոսի Աւետարա-
 նին քաղցր լուծը, զոր ամէն ճշմարիտ Քրիստոսն-
 եայ պարտի զգալ ու կրել իր ուսերուն վրայ՝ սի-
 րով ու հնազանդութեամբ:

Դօսիկն կը նշանակէ խիզախ համարձակութիւն
 աշխարհի, մարմնի և սատանայի դէմ:

Բագլանը, սրտի յօժարութեամբ ամէն բարի
 գործերու ձեռնամուկն ըլլալու և՛ մարդկօրէն կա-
 բելիին չափ՝ չար գործերէ հրաժարելու նշանն է:

Շուրջաւոր՝ որ կը կոչուի նաև նափարտ, ինչ-
 պէս նաև վախար, կը նշանակեն թէ պատարագիչ
 քահանան ամէն առաքինութիւններով լեցուած

ըլլալու է: Ահարոնի վակասը տասներկու պատ-
 ուական ակերով զարդարուած էր:

Հողաքափը կը խորհրդանշանէ այն իշխանու-
 թիւնը զոր քահանային տուաւ Քրիստոս՝ կոխելու,
 ջախջախելու համար օձերը, կարիճները և սատա-
 նային բոլոր գօրութիւնները, ծածկուած մեր յուր
 կիրքերուն ու անիրաւ ու ամօթալի բաղձանքնե-
 րուն մէջ:

Անձեռնոցը կը նշանակէ ձեռքերու և սրտի
 մաքրութիւն, զոր պարտի ունենալ ժամարարը:

Եփիփորոնն, որ Յունական բառ է, Եպիսկո-
 պոսը միայն կը կրէ՝ շուրջառէին վրայ խաչաձև ա-
 ռած, ի նշան լրման քահանայական եօթներորդ
 աստիճանին:

Երկնային քաղն է երկփեղ խոյր, որ Ահարոնեան
 խոյրի ձեւէն առնուած և սակաւ ինչ բարեփոխուած
 է. Եպիսկոպոսներն և Կաթողիկոսները միայն կը
 գործածեն զայն:

Արտախուրակ կ'ըսուին թագէն կախուած եր-
 կու ծայրեր, որոնք թագին կապերն են:

Կոնքեռն է հովուական մախաղ, զոր Ս. Հայ-
 րապետէն զատ Եպիսկոպոսներէն ոմանք կը գոր-
 ծածեն անոր հրամանաւ:

Քահանան իր այս բոլոր հանդերձներով խոր-
 հրդանշան է մեր Տիրոջ, որ եղաւ ճշմարիտ
 Քահանայ յախտեան, ըստ կարգին Մեղքիսեղեկի
 (Եբր. Ե.):

Իսկ զալով Սարկաւագներուն,
 Ուրարը, զոր կ'առնեն, հնազանդութեան և
 Աւետարանին քաղցր լուծին նշանն է:

Բուրվաւոր կը պատկերացնէ սրտի ջերմեռան-

դուժիւնը , որ խոնկին պէս անուշաբոյր և երկնապայ , կը լեցնէ մեր էութիւնը ու դէպ 'ի վեր կը օրհնայ :

Քչոցն կը հրաւիրէ մեզ ակնածանքով կենալ ու աղօթել :

Ձգեստաւորման արարողութիւններէն ու ընթերցումներէն վերջ քահանան , սարկաւազներով ու մոմակալներով ընկերացած , Աւանդատունէն ելլելով Սեղանին առջև կ'ուգայ . Գլ. ԻԾ. Սաղմոսը ըսելով կը լուայ ձեռքերը՝ իբրև օրինակ ներքին մաքրութեան և կամ Ձիթենիներու լեռին վրայ Քրիստոսի արտասուելուն : Դպիրները կ'երգեն « Խորհուրդ խորին » որ կը բովանդակէ այն ամէն աղօթքներն ու պաղատանքները , զորս մեր նախահայրերը կ'ընէին Աստուծոյ՝ իր Որդիին դալուստը փութացնելու համար , և ութը պարբերութիւն կը պարունակէ իր մէջ .

Առաջինին մէջ՝ հրեշտակներու ստեղծագործութիւնը կը յիշուի :

Երկրորդին մէջ՝ Ադամին ստեղծուիլն ու փառքով դարդարուիլը :

Երրորդին մէջ՝ Աշխարհի փրկութիւնն , և Աստուծոյ մէկ հատիկ Որդիին չարչարանքներովը մարդկային ընտելեան վերանորոգումը :

Չորրորդին մէջ՝ Ս. Հոգին իջնելը Առաքեալներուն վրայ , և մեր վրայ ալ իջնելու մասին ազայանքներ :

Հինգերորդին մէջ՝ Եկեղեցիին սրբութիւնը :

Վեցերորդին մէջ՝ Քրիստոսի փրկագործ Խաչելութիւնը :

Նոթներորդին ու ութերորդին մէջ՝ Քահանայ-

ական զգեստներուն նշանակութիւնն և անոր համար Աստուծոյ ըրած մեր խնդրուածքներն :

Քահանային՝ Բեմին առաջքն ըրած աղօթքն ու հրապարակաւ խոստովանութիւնը կը նշանակեն մեր Տիրոջ՝ երեսի վրայ ինչպիսի արիւն քրտինք թափելը . հետեւաբար , լալով մօտենալու կամ նախելու ենք այս սուրբ խորհուրդին ալ : Այս առթիւ քահանան հրապարակաւ կը խոստովանի իր մեղքերը (1) , ու կը խնդրէ փողովուրդէն որ իրեն համար աղօթէ ու թողութիւն խնդրէ , իսկ եթէ կան որ վշտացած , սրտնեղած են իրեն դէմ , անոնցմէ ալ ներողութիւն կը խնդրէ : Անոնց բոլորին տեղ Քահանաներէն մէկը Աստուծոյ ողորմութիւնը կը հայցէ անոր վրայ , թողութիւն չնորհելու անոր մեղքերուն և յառաջիկային ալ մեղքերէ ազատ պահելու համար : Ժամարարն ալ փոխադարձաբար կը բարեմաղթէ որպէս զի Աստուած թողութիւն չնորհէ ամէնուն մեղքերուն , ու ապաշխարելու և բարին գործելու ժամանակ տայ , և դպիրին ըրած խնդիրքին պատասխան « Յիշեալ լիջիք առաջի անմահ գաւինն Աստուծոյ » մաղթանքը կ'ըսէ : Այս աղօթքներէն ու խոստովանութենէն վերջ Քահանան բեմ կ'ելլէ սաղմոսելով , ինչ որ Քրիստոսի շատ անգամներ Ձիթենիներու լեռն աղօթելու ելլելը կը խորհրդանշէ : Քահանային « Ի յարկի Սրբութեան » ըսելն ու Սեղանն համբուրելը յարգանքի , ակնածութեան , սրբավայրի մը վրայ եղած ըլլալու գիտակցութեան արդիւնքն ու ապացոյց են :

(1) Ժամարարին այս հրապարակային խոստովանութիւնը կ'երեսի Թէ նախնական եկեղեցիին հրապարակային խոստովանութեան համատու մէկ օրինակն է :

Վարագոյրը կը քաշուի այս պահուն : Գպիրները մեղեդին կը սկսին և քահանան գլխաբաց՝ Գ.Նարեկացիին կողմէ Ս. Հոգիին ուղղուած աղօթքը կարդալով, Սուրբ Հոգիին գործակցութիւնը կը խնդրէ , և վերջը, սրբագործութեան համար յատկապէս պատրաստուած անխմոր և թարմ հացն՝ որ կ'ըսուի նշխար-սպաս՝ աղօթքով սպաս կը դնէ , իբր խորհրդանշան Քրիստոսի Ս. Աստուածածնի արգանդին մէջ յղանալուն : Երբ վարագոյրը կը բացուի, դպիրները « Որ գերագոյն »ը, (Փրկչին խոնարհութեան վերաբերեալ երգը), կ'երգեն : Ժամարար Քահանան ալ խնկարկելով՝ ժողովուրդին մէջ կ'իջնէ , թափօր կը պտտի և վերջը վերստին բեմ կ'ելլէ՝ իբրև օրինակ Քրիստոսի երկինքէն երկիր իջնալուն , մարդկային ազգի հետ միանալով անոր փրկութիւնը գործելուն և Հայր Աստուծոյ աջ կողմը բազմելուն :

Երբ դպիրները « Որ գերագոյն »ը կ'աւարտեն, Սարկաւազը՝ բոլոր ժողովուրդին կողմէ՝ « Օրհնեա՛, Տէր » կը ձայնէ ժամարար Քահանային, ըսել ուզելով . « Տէր Քահանայ , պաշտօնեայ բարձրեալ Աստուծոյ , քանի որ պաշտօն ստացար մեզ օրհնելու , օրհնէ՛ մեզ և աղօթէ՛ մեզի համար » : Քահանան շնորհակալ կ'ըլլայ , գոհութիւն և օրհնութիւն կը մատուցանէ՝ ըսելով « Օրհնեալ թագաւորութիւնն Հօր և որդւոյ և հոգւոյն Սրբոյ , այժմ և միշտ և յաւիտեանս յաւիտենից ամէն » : Այս « Օրհնեալ թագաւորութենէն » մինչև Վերաբերումը (1) ըլլալիք աղօթքներն ու երգեցողութիւն-

(1) « Օրհնեալ թագաւորութենէն » մինչև Վերաբերումը Երախայից պատարագ ալ կ'ըսուի , ինչպէս նաև Երախայից պատար-

ները՝ հաւատացեալներու ականջները քաղցրացնելու համար են , որպէս զի անոնք մարմնական հոգեբէ մաքրուին և միանան Աստուծոյ և անոր Ս. Խորհուրդին հետ :

Ապա ժամամուտը կ'ըսուի , ըստ պատշաճի , յիշեցնելով մարգարէութիւնները որոնք Քրիստոսի փրկարար տնօրէնութիւնը կանխաւ գուշակեցին : Սարկաւազը, իբրև դաստիարակ, իբրև առաջնորդ, կը հրաւիրէ ժողովուրդը որպէս զի խնդրէ Քահանայէն այն խաղաղութիւնը , որ Տիրջմէն իրեն շնորհուած է « Զխաղաղութիւն տամ ձեզ . զխաղաղութիւն թողում ձեզ . . . » Սարկաւազը նոյն միջոցին կը ձայնէ « Եւ ևս խաղաղութեան գՏէր աղաչեսցուք »ը , և Քահանան կը կատարէ այդ խնդիրքը « Խաղաղութիւն ամենեցուն » ըսելով :

Եւ որպէս զի ժամարարն ալ մասնակից ըլլայ նոյն օրհնութեան , դպիրները 'ի դիմաց ժողովուրդին « Եւ ընդ հոգւոյդ քում » կ'երգեն : Սարկաւազը ժողովուրդն Աստուծոյ երկրպագելու կը հրաւիրէ , իսկ դպիրները կ'երգեն « Առաջի քո Տէր » :

Ապա Քահանան իբրև հաւատոյ որդի Աստուծոյ և իբրև հայր ժողովրդեան , Աստուծոյ ողորմութիւնը և գթութիւնը համարձակօրէն կը խնդրէ և կ'աղօթէ իրեն և ժողովուրդին համար՝ ըսելով , « Տէր Աստուած մեր որոյ կարողութիւնդ անքնին է և փառքդ անհասանելի . . . » :

Ասկէ վերջ դպիրները աւուր պատշաճի ծառայեալու կը սկսին երգել հեշտալուր եղանակով :

բազ կ'ըսուի այն ամէն օրեր, որ խորհրդաւոր պատարագ չի մատուցուիր :

Սարկաւազը ⁽¹⁾ Ս. Աւետարանը բարձրացնելով՝ «Պոստիւմէ» կը ձայնէ, ըսել ուզելով «Ուղիղ մտքով ու սրտով վեր նայեցէք», որմէ վերջ դըպիրները կ'երգեն «Սուրբ Աստուած»ը, Յիսուս Քրիստոսը Հօր և Հոգիին հետ Աստուած դաւանելով : Դուն, Քրիստոս Աստուած մեր, որ Սուրբ, հօր և անմահ ես, բաւական չհամարեցար մարդ ըլլալ և մեզի հաւասարել, այլ և անարգ և յետին մահը, խաչին մահը ընդունեցիր մեզ համար՝ այնքան անպատմելի խոնարհութեամբ, ողորմէ՛ մեզի, ազատէ՛ մեզ : Նոյն միջոցին քահանան ալ ծածկաբար կ'աղօթէ :

Սարկաւագին՝ Աւետարանը բարձրացնելն ու զայն մէկ կողմէն միւսը տանելով ժողովուրդին է համըտք մատուցանելը կը նշանակէ թէ Քրիստոս երկինքի բարձրութենէն երկիր խոնարհեցաւ, լսելեայն ըսել ուզելով նաև թէ սիրով կը համբուրենք ժողովրդեան հետ քու երկրպագելի խօսքերդ, Տէր Յիսուս, և կ'ընդունինք զանոնք մեր հոգիին մէջ : «Սուրբ Աստուած» էն վերջ, քահանան ծածկաբար ու սարկաւագներն յայտնի կերպով կը կարգան նոյն գոնութեան կէտերը, վասն զի ինչ որ քահանան Աստուծմէ կը խնդրէ, նոյնը սարկաւագները բարձրաձայն կ'իմացնեն ժողովուրդին, որ ինքն ալ նոյնը խնդրէ, որպէս զի իր պաղատանքը միանայ քահանային աղօթքներուն : Թէպէտև հրեշտակի պէս չենք կրնար աղօ-

(1) Երկու Սարկաւագներէն մէկը բոլորով ի ձեռն աշակերտութիւն կ'ընէ՝ Սեղանին ձախ կողմը կեցած : Իսկ միւսը՝ ձեռքը ըզոց առած՝ կարգ կը վարէ և սեղանին աջ կողմը կը կենայ, Աւետարան կը կարդայ, «Հաւատամք» կ'ըսէ, վերաբերու՞մ կ'ընէ, և այլն :

թել, բայց՝ յուսալով Աստուծոյ անսահման գթութեան և ողորմութեան վրայ՝ «Տէր, ողորմեա՛» կ'ըսենք և ուրիշ խնդրուածքներ կ'ընենք : Սարկաւագներն անգամ մ'ալ «Եւ եւս խաղաղութեան գՏէր աղաչեացուք» կը ձայնեն՝ հրամայելով ժողովուրդին որ խնդրէ այն խաղաղութիւնը, որուն համար Տէրն ըսաւ թէ իր աշակերտներուն պիտի թողու, այն խաղաղութիւնը, որ է Հոգին Սուրբ : Ս. Պատարագի մէջ սարկաւագները յաճախ կը կրկնեն այս խնդիրքը ամէն կարգի և աստիճանի անձերու համար, ներքին ու նօզեկան խաղաղութիւն կը հայցեն որուն պէտք ունի միշտ ամէն մարդ : Ժամարարն ալ այն պահուն ըրած աղօթքին վերջին մասը բարձրաձայն կ'ըսէ, «Զի ողորմած և մարգատէր ես . . . » :

Եւ ապա կը կարդացուն աւուր պատշաճի Գիրքն ու Աւետարանը : Նախ մարգարէութիւնները կը կարդացուն, վերջը առաքելական թղթերը, հասկցնելով թէ ինչ որ մարգարէները մարգարէացան, նոյնն առաքելայնորը տեսնու քարոզելին իրբև ականատես ու ճշմարիտ վկաներ : Գիրքէն վերջ ընդհանրապէս քարոզներ ու ծանուցումներ կ'ըլլան :

Աւետարանը կարդացուելէն վերջ՝ դպիրները կ'երգեն «Փառք քեզ Տէր Աստուած մեր», գոհութիւն կուտանք Աստուծոյ որ մեզ արժանի ըրաւ լսելու Սուրբ Աւետարանի պատգամները և ձեռնամած (ափերնիս իրար բերելով) «Հաւատամք»ը կ'ըսենք բարձրաձայն, հեռացնելով մեր ներքին զգայարանքներն աշխարհական մտածումներէ և մեր արտաքին զգայարանքները

մարմնական զբաղումներէ : Քրիստոնէական Ս. Հաւատքին դաւանութիւնը կ'ընենք այնպէս ինչպէս որ մարդարէական , առաքելական եւ աւետարանական Ս. Գրքերէն սորվեցանք քիչ մ'առաջ : «Հաւատամք»էն վերջ Սարկաւազը Աւետարանը նորէն սեղան կը բարձրացնէ ի նշան Քրիստոսի երկինք համբառնալուն :

Ասկից վերջ , Սարկաւազը պաղատանք և խնդրուածք ընել կը քարոզէ հաւատքով , վասն զի հաւատքն է որ մեր մարմնական և հոգեկան լսելիքները կը բանայ , որով կարող կ'ըլլանք լըսել և իմանալ ըսուածներն և անոնց համեմատ խնդրել պաղատանքով : Ահա ինչո՞ւ սարկաւազները կը ձայնեն , « Եւ եւս հաւատով աղաչեսցուք և խնդրեսցուք . . . » :

Սարկաւագներուն քարոզելէն և քահանային ըրած ծածուկ աղօթքէն վերջ՝ ժամարարը կը կարգայ « Խաղաղութեամբ քով , Քրիստոս փրկիչ մեր » աղօթքը և ապա ժողովուրդին վրայ տեառնազրելով կ'ըսէ , « Տէր Աստուած օրհնեսցէ զամենեսեան » : Այն ատեն ալ հարկ է որ ժողովուրդը ա'լ աւելի ջերմեամբ սրտով նուիրուի Աստուծոյ , ի սրտէ զղջայ և միշտ « Մեղա՛յ » գոչէ , վասն զի ժամանակաւ « Մի ոք » ի ատեն ժողովուրդին մէջ գտնուող երեխաները , այսինքն դեռ չ'մկրտուած հաւատացեալները և կամ դեռ չ'սպաշխարողները եկեղեցիէն դուրս , դաւիթը կը հանուէին : Հիմա թէպէտ նոյն « Մի ոք »ը (1) կ'ըսուի ,

(1) Իրենք զիրենք Ս. Հաղորդութեան արժանի տեսողները կրնան՝ քահանաներու , սարկաւագներու ու զպիւրներու հետ՝ դասը կենալ , եթէ դասին մէջ իրենց ալ տեղ կայ :

սակայն ժողովուրդը կը մնայ եկեղեցիին մէջ , ու Քրիստոսի փրկագործ տնօրէնութեան շնորհիւ կը փրկուի իր մեղքերէն , եթէ սրտով զղջայ , ինչպէս Աւագակը որ Խաչին մօտ զղջաց ու փրկուեցաւ , ինչպէս Մաքսաւորն որ , « Աստուած , քաւեա՛ զիս զմեղաւորս » ըսելով փրկուեցաւ :

Աստուածային Ս. Խորհուրդին արժանի ըլլալու համար , հարկ է ունենալ միշտ ու մանաւանդ այս միջոցին՝ ուղիղ միտք , մաքուր սիրտ և հաւատքով լեցուն հոգի : Ուստի և դպիրները ներկայ արժանաւորներուն ուղղելով խօսքերնին կ'երգեն « Մարմին տէրունական »ը : Ապա սարկաւագները սաղմոսերգութեան կը յորդորեն ժողովուրդը՝ ըսելով « Սաղմոս ասացէք Տեառն Աստուծոյ մերում , դպիրք . . . » : Բայց հոս սաղմոս բառով կ'իմացուի դպիրներուն երգելիք սրբասացութիւնը (1) : Քահանան այս միջոցին կը հանէ իրբե սպասաւոր , սաղաւարտն ու հողաթափները , ցուցնելով թէ յօժարութեամբ յանձն կ'առնէ մեկուսանալ բոլոր աշխարհային զբաղումներէ և խորհուրդներէ , ու արբութեամբ ընթանալ Աստուծոյ ձամբան : Եթէ պատարագիչը Եպիսկոպոս է , երկճղի թագը՝ արտախուրակներով մէկտեղ : Եմիփորոնը եւս կը հանէ նոյն նշանակութեամբ : Քահանային՝ Ընծան հիւսիսէն հարաւ բերելը՝ կ'ակնարկէ Եղեկիէի առ խօսքին . « Տեսանէի կառս չորեքդիմիս , որք վերացեալ դային ի հիւսիսոյ ի հարաւ » այսինքն մեր բնութեան սառուցեալ վայրերէն դէպ ի

(1) Սաղմոսերգութիւններն ու բաղարձայն երգեցողութիւնները կը վանեն ստոսանս և դեւերը , որոնք հոն կեցած՝ կը խառնակեն մեր աղօթքները (Ա. Թագ. ԺՂ. 23) :

Ս. Սեղանին լուսասփիւռ կողմը : Մարգարէն Մ-
 Գրքին այդ բնաբանին մէջ կ'ըսէ նաև թէ ճառա-
 գայթիներ, լամբարներ և փայլատակումներ տեսաւ
 (Եզեկ. Ս. 4—5) : Մենք ալ մոմեղէններ վառելով
 և խունիկեր ծխելով՝ այդ տեսիլին մէկ օրինակք
 կը ձևաւցնենք . և Եսայի մարգարէին տեսածին
 պէս Սէրովբէներուն երեքսրբեան փառաբանու-
 թիւնը կ'երգենք (Եսայ. Զ. 3) : Այժմ որ հրեշ-
 տակներու կերպարանքն առինք , ներքնապէս աը
 չար խորհուրդներէն պէտք է մաքրուինք , որպէս
 զի երկնաւոր թագաւորը կարենանք արժանաւո-
 րապէս և հոգեւորապէս մեր ներքի դին ընդունիլ :
 Քահանան ամենայն երկիւղածութեամբ կ'ընդու-
 նի Ընծան (1) և Անով ժողովուրդը կը խաչակնքէ՝
 ըսելով « Սա է որ փրկեց զմեզ սատանայի գե-
 րութենէն » : Սեղան կը տանի Ընծան , մատին
 ծայրը կը լուայ՝ իմացնել ուղեւոր թէ չնչին կիր-
 քերէ և մեղքերէ անգամ հարկ է մեղ սրբուիլ և
 մաքրուիլ :

Աւուր պատշաճի Սրբասացութիւնը աւարտե-
 լէ վերջ , Սարկաւազները բարձրաձայն կ'աղաղա-
 կեն « Եւ ևս հաւատով և սրբութեամբ կացցուք
 յաղթս առաջի Ս. Սեղանոյս Աստուծոյ . . . » :
 Սեղանն Աստուծոյ Սեղանն է , Աստուծոյ առջեւը
 կը կենանք : Աստուծոյ Որդին անոր վրայ բազ-
 մած է , իր Ս. Խորհուրդներովը , ուստի կ'ըսեն
 Սարկաւազները , ա'լ աւելի հաւատքով և սրբու-
 թեամբ աղօթքի կենանք Աստուծոյ Սեղանին առ-

(1) Հանդիսաւոր օրերու մէջ աւելի ճոխ ու հանդիսաւոր կեր-
 պով ժողովուրդին մէջէն ամպնովանիով ալ կը կատարուի վերս-
 բերումը :

Չև անով ու գողով : Ո'չ թէ անմաքուր խղճմտան-
 քով , ո'չ թէ այս անհաս Խորհուրդին վրայ գայ-
 թակղելով , ո'չ թէ նենգաւոր ու խորամանկ սըր-
 տով , ո'չ թէ բարի մարդու երեւոյթով այս ու այն
 խաբելով , ո'չ թէ երկբայութիւնով և թերահաւա-
 սութիւնով , վասն զի այսպիսիներուն համար է որ
 կ'ըսէ Քրիստոս « Մէկդի կեցէք ինձմէ՝ դուք ա-
 մէնքդ ալ , որ անօրէնութիւն կը գործէք » : Այլ
 ուղիղ վարքով , պարզ մտքով , միամիտ սրտով ,
 ողջամիտ ըլլալով առ մարդիկ և առ Աստուած ,
 կատարեալ հաւատքով , լիուլի սիրով և բոլոր
 բարի գործերով լցուած ու աւելցած . կենանք Աս-
 տուծոյ Սեղանին առջև և գտնենք ողորմութեան
 շնորհները թէ՛ հոս և թէ՛ երկինքը , Յիսուսի Քր-
 իստոսի յայտնութեան վերջին գալստեան օրը :
 « Ամենակալ Տէր Աստուած կեցուցէ և ողորմես-
 ցի » : Վասն զի առանց Աստուծոյ ողորմութեան
 և գթութեան չենք կրնար անմեղ ապրիլ և չա-
 հիլ ո'չ այս և ո'չ հանդերձեալ ճշմարիտ կեանքը :
 Այն ատեն Քահանան ալ իր Խորհրդաւոր և ծա-
 ծուկ աղօթքը կ'ընէ և միշտ լալազին կերպով
 Հայր Աստուծոյ կ'ուղղէ իր Աղօթքները : Դպիր-
 ներն ալ ի դիմաց ժողովուրդեան կ'երգեն ըսելով
 « Կեցո՛ , Տէր , և ողորմեա՛ » :

Սարկաւազը կը ձայնէ « Օրհնեա՛ , Տէր » , և
 ժամարար քահանան կը մասնակցի սարկաւազնե-
 րուն ու դպիրներուն սոյն խնդրուածքներուն ու
 կ'ըսէ « Ծնորձօք և մարդասիրութեամբ Տեառն մե-
 ռոյ Յիսուսի Քրիստոսի . . . » : Այսինքն . Ո'վ բա-
 րերար Աստուած , այդ բոլոր երկբային ու երկ-
 նային վայելքներն ու բարիքները պարգեւէ՛ մեզի

և բոլոր ժողովուրդներուն՝ շնորհքովն և մարդասիրութեամբը Յիսուսի Գրիստոսի, Որուն հետքեզ՝ Հօրդ՝ և Ս. Հոգիին կը վայելէ փառք, իշխանութիւն, հիմա, միշտ ու յաւիտեան: Ապա ժողովուրդին դառնալով կրկին « Խաղաղութիւնը » կուտայ: Սարկաւազները, դպիրներն ու ժողովուրդը կրկին շնորհակալութեամբ կ'ընդունին զայն, « Եւ ընդ հոգւոյդ քում, Աստուծոյ երկիրպագեացուք, առաջի քո Տէր » ըսելով:

Ժամարարը կիսով չափ կը բանայ Ընծան (սըկիւն) ու ձեռնամած մէկ կողմ կը կենայ խորհրդանշանելով այսպէս Գրիստոսի կուսական Ս. Ծընունդը: Սարկաւազը « Ողջո՛յն տուք միմիանց »ը⁽¹⁾ կը ձայնէ: Այն ատեն քահանայից դասը ատենան կ'ելլէ ողջոյն առնելու համար, ինչ որ կը նշանակէ հովիւներուն մինչև Բեթղէհէմ երթալը. որոնք կ'ըսէին՝ « Եկայք երթիցուք մինչև ցֆեթղէհէմ և տեսցուք զի՞նչ է բանս այս որ եղև » (Ղուկասու. Բ. 15), Նոյնպէս մոզերուն՝ ասողը տեսնելով երկրպագութեան գալն ալ կը նշանակէ Բուրվառ կրող սարկաւազը ողջոյն տալու համար Սեղանէն վար կ'իջնէ և կ'աւետէ, ինչպէս հրեշտակը հովիւներուն, ըսելով « Ահաւասիկ աւետարանեմ ձեզ ուրախութիւն մեծ, զի ծնաւ ձեզ այսօր փրկիչ, որ է օծեալ Տէր 'ի քաղաքի Դաւթի »

(1) Այս միջոցին ամէն մարդ իր բով գտնուողին հետ սիրով խոնարհութիւնով « Գրիստոս ի մէջ մեր յայտնեցաւ » կ'ըսէ, միւսն ալ՝ « Օրոնեալ է յայտնութիւնն Գրիստոսի »: սակայն եթէ մէկը ուրիշի մը հետ ո՛ր և է բանի մը համար գտնուած ու անհաշտ մնացած է, պէտք է նոյն միջոցին կամ օր առաջ հաշտուի, եթէ ոչ՝ այնպիսին չէ թէ Աստուած միայն կը խաբէ, այլ մանաւանդ ինքզինքը:

(Ղուկ. Բ. 10), Գահանաներն ալ կը հրապարակեն Գրիստոսի այս անձառ շնորհներն « Գրիստոս 'ի մէջ մեր յայտնեցաւ » ըսելով, ինչպէս որ հովիւներն ու մոզերը ծանուցին աշխարհի Գրիստոսի ծնունդը: Ժամարարէն սկսեալ բոլոր ժողովուրդը, Գրիստոսի հաւատքովք, յոյսովն ու սիրովն իրարու հետ միացած՝ մէկ սիրտ մէկ մարմին եղած կ'ըլլան, իրականացնելով անգամ մ'ալ սա խօսքը. « Էր բազմութեան հաւատացիւոցն սիրտ և անձն մի » (Գործ. Դ. 32): Այս ալ Գրիստոսի փրկագործ սնօրէնութեան շնորհիւ կ'ըլլայ անշուշտ: Դպիրներուն « Գրիստոս ի մէջ մեր յայտնեցաւ » ըսելէն վերջ, սարկաւազները Գրիստոսի՝ հրեշտակներու բազմութենէն շրջապատուած՝ արքայաբար Սեղանին վրայ բազմելը ցուցնելով կը յիշեցնեն սրբագործութեան ժամուն հասած ըլլալը, ու կ'ըսեն, « Ահա կացցուք, երկիւղիւ կացցուք, բարեք կացցուք և նայեցարուք զգուշութեամբ », որուն դպիրները կ'պատասխանեն « Առ քեզ Աստուած »: այո՛, քեզի կը նայինք հաւատքի աչքերով, ո՛վ Աստուած: Սարկաւազները կը շարունակեն, « Պատարագ Գրիստոս մատչի անարատ գառն Աստուծոյ »: Գրիստոս, Աստուծոյ անարատ գառը, Աստուծոյ կը մատուցուի: Դպիրները կը պատասխանեն, « Ողորմութիւն և խաղաղութիւն և պատարագ օրհնութեան » այսինքն՝ այո՛, ողորմութիւնն ու խաղաղութիւնը և օրհնութեան պատարագն է որ կը մատուցուի:

Ապա սարկաւազները՝ ժողովուրդին սիրոյն և միութեան վրայ ժամարարին օրհնութիւնը կը

խնդրեն՝ « Օրհնեա Տէր » ձայնելով, որուն ժամա-
բարը կը պատասխանէ ըսելով. « Շնորհք, սէր և
Աստուածային սրբարար զօրութիւն . Եղիցի ընդ-
ձեզ , ընդ ամենսին » : Հօր , Որդւոյ և Ս . Հոգ-
ւոյն շնորհքը , Սէրը և Աստուածային սրբայնող
զօրութիւնը , ձեր մէջ և ձեր ամենուդ հետ ըլլայ .
Դպիրներն ալ իբրև պատասխան « Ամէն և ընդ
հոգւոյդ քում » կ'ըսեն :

Կրկին անգամ ըլլալով սարկաւազները կ'ը-
սեն , « Ձգրունս զգրունս ամենայն իմաստու-
թեամբ և զգուշութեամբ 'ի վեր ընծայեցուցէք
զմիտս ձեր Աստուածային երկիրդ (1) » : Ո՛վ
Քրիստոսասէր ժողովուրդ , քանի որ տեսանք թէ
մեր մեղքերուն փրկութեանը համար Քրիստոս ո՛չ
միայն իր ողորմութիւնը և խաղաղութիւնը տը-
ւաւ , այլ նաև զո՞նեց իւր կեանքը պատարագ-
ուելով Սաչին վրայ , շնորհելով մեզ երկրային ,
մանաւանդ երկնային փառքերն ու երջանկու-
թիւնները , հարկ է որ մեր մտքի դռները — մեր
զգայարանքները — կատարեալ իմաստութեամբ
և զգուշութեամբ — վեր՝ Աստուծոյ ընծայինք , Աս-
տուծոյ վախը մեր սրտերուն մէջ ունենանք , վասն
զի այս դռներէն կամ պատուհաններէն է , որ
ներքին մարդը կ'եղծանի և մենք չենք օգտուիր
Քրիստոսի սոյն շնորհքներէն : Չէ՞ մի որ Երեմիա
Մարգարէն ըսած է « Պատուհանքն ընդ որ եմուտ
մահ » , (Երեմ. Թ. 21) : Դաւիթ ալ՝ « Դի՛ր , Տէ՛ր ,

(1) Եթէ տակաւին հազարդութիւն առնողներէն զատ ուրիշ-
ներ ալ դասին մէջ կը գտնուին , պէտք է ժողովուրդին մէջ եր-
ծան : Որչափ որ այս կրկնութիւնը կ'ընէ եկեղեցին . բայց զորս
չեւողներու հետ բռնութեամբ չի վարուիր :

պահպան բերանոյ իմոյ և դուռն ամուր՝ չըթանց
իմոց » (Սաղմ. ՃԽ. 3.) Տէրն ալ կ'ըսէ « Մուտ ի
սենեակ քո , և փակեա՛ զդրունս քո » . (Մատթ.
2. 6) :

Դպիրներն ալ շնորհակալ ըլլալով կը պատաս-
խանեն , « Ունիմք առ քեզ , Տէր Ամենակալ » , ա՛յո ,
ո՛վ Ամենակալ՝ Տէր , միշտ քու աչքերուդ առջև
բաց են մեր մտքի դռներն , զորս այս պահուս
մանաւանդ քեզի կարկառած ենք : Ապա սարկա-
ւազները կը ձայնեն « Եւ զո՞նայարուք զՏեառնէ
բոլորով սրտիւ » : Ըսել կ'ուզեն թէ քանի որ քիչ
մ'առաջ հաւատքով և ճշմարիտ խոստովանու-
թեամբ կեցաք ու Քրիստոսի Սուրբ Խորհուրդնե-
րովը հարկ եղած զօրութիւնն ու քաջութիւնը
առիք , ուրեմն Տիրոջմէն գո՞ն ու շնորհակալ ե-
ղէք ձեր բոլոր սրտովը , ինչու որ Տէրը մեր բե-
րանները խնդութեամբ լեցոյց և մեր լեզուները՝
ցնծութեամբ : Պէտք է գո՞նանք , զի իր անձը
տուաւ մեր ամենուս տեղը : Տէր Յիսուս Քրիս-
տոսէն զատ չկայ ուրիշ մէկը որ այսպիսի գո-
նո թեան արժանի ըլլայ , Ան միայն , թշուառ ու
մեղապարտ մարդկութեան համար անձուն սիրով
առլցուած , անոր համար մեռաւ ու յարեաւ ,
կեանք ու յարութիւն խոստանալով ու տալով ա-
նոր : Ահա ինչո՞ւ պէտք է , կ'ըսեն սարկաւազ-
ները , որ բոլոր սրտով , սրտանց շնորհակալ ըլլաք
Անոր : Ասոր վրայ դպիրները կը պատասխանեն
« Արժան և իրաւ » : Վայելուչ և իրաւացի է այդ՝
մեր գթառատ և ողորմած Տիրոջմէն գո՞ն և շնոր-
հակալ ըլլալը , ինչպէս դուք մեղմէ կը պահանջէք .
Ժամարար քահանան ալ դպիրներու գո՞ն .

նակ սրտով ցուցուցած չնորհակալութիւններուն կը միացնէ իր մաղթանքը ու ծածկաբար կ'ըսէ խորհրդաբանութեան « Արժան է և ստուգապէս և իրաւ . . . » աղօթքը , որուն վերջին մասը յայտնաբարբառ կը յարէ , սարկաւազին « Օրհնեա՛ Տէր » էն վերջ , « Եւ ընդ Սերովբէսն և ընդ Քերովբէսն միաձայն սրբասացութեամբ յօրինել նուագս , և համարձակապէս դռելով աղաղակել ընդ նոսին և ասել » : Ո՛վ Տէր Յիսուս , դուն երկինքէն երկիր խոնարհեցար և մարդուն հետ չըջեցար , քու Աստուածային անձնաւորութիւնդ մեզի պատարագելը պատշաճ համարեցար , տո՛ւր որ մենք ալ ձայնակցելով Սերովբէներուն ու Քերովբէներուն , որոնք կը դողան քու Աստուածային լոյսիդ անաւոր փառքէն ու չեն կրնար նայիլ քեզի , համարձակօրէն երգենք անոնց հետ մէկտեղ , աղաղակենք ու ըսենք « Սուրբ , Սուրբ , Սուրբ » զոր դպիրները պիտի երգեն քաղցր ձայնով : Ժամարար Քահանան Հայր Աստուծոյ կ'աղօթէ , իսկ դպիրները Քրիստոսի Քպիրները կը նուագեն « Սուրբ , Սուրբ , Սուրբ , Տէր զօրութեանց » , Քահանային վերի յիշածները հաստատելով Անոր Սուրբ և զօրութիւններու Տէր ըլլալը կը վկայեն :

« Լի են երկինք և երկիր փառօք քո » . երկինքն ու երկիրը քու փառքերովդ լեցուն են : Ինչպէս երկիրը արեւուն ճառագայթներովը կը լուսաւորուի , նոյնպէս Քրիստոսի փառքը կը լուսաւորէ Երկինքն ու երկիրը , երկրի վրայ գանուող բոլոր իմացական , բարոյական արարածներու սիրտերն ու միտքերն՝ հեռացնելով անոնցմէ դժոխքին խոր խաւարը :

« Օրհնութիւն 'ի բարձունս » . օրհնութիւններ շրկուին բարձրերը , երկինք . այս պատարագի Սնորհուրդն օրհնութիւն պիտի ըլլայ ո՛չ միայն մեզի՛ ալ և հրեշտակներուն համար :

« Օրհնեալ որ եկիր և դալոց ես անուամբ Տեառն , Ովսաննա ի բարձունս » օրհնեալ ես , այո՛ , ո՛վ Քրիստոս , որ եկար և մեզ փրկեցիր հօրդ անունովն ու կամքովը , և նորէն պիտի դաս՝ ըստացած Հօռդ վերստին նորոգելու , քեզի աւելի ևս օրհնութիւն թող տրուի Երկնքի բարձունքներուն մէջ , ուր համբառնալով՝ յաղթական բազմած ես փառքերով շրջապատուած :

Այն ատեն Քահանան ծածկաբար կ'աղօթէ ու սարկաւազին՝ « Սուրբ Սուրբ » էն ետք ձայնած « Օրհնեա Տէր » ին վրայ Ընծան բանալով՝ ձեռքը կ'առնէ հացը (անխմոր) , զոր արդէն ծածկաբար օրհնած ու խաչաձև կտրած էր (վերի , վարի , աջ ու ձախ կողմերէն միայն կտրելու նշանով մը և ոչ թէ ամբողջովին) ու վեր վերցնելով բարձրաձայն կը կրկնէ Քրիստոսի ըսածը . « Առէք կերէք . այս է մարմին իմ որ վստն ձեր և բազմաց բաշխի 'ի քաւութիւն և 'ի թողութիւն մեղաց » . Առէք , կերէք , ասիկա է իմ մարմինս , որ ձեզի և շատերուն կը բաշխուի՝ մեղքերու քաւութիւն եւ թողութիւն ըլլալու համար :

Արդ՝ այդ հրամանով ո՞ր բանն ու տել պէտք է հասկնանք , քանի որ կ'ըսէ . — առէ՛ք , կերէ՛ք , Եթէ այդ « մարմին » բառով լոկ մարմինը կշտացնող հացը պէտք է հասկնանք , ո՛ւր կը մնայ մարքրելիլ մեր բանական հոգիին՝ որ Աստուծոյ բանովը (խօսքովը) կը կերակրուի միայն , եւ ոչ թէ

հացով: Եւ Անիկա որ իր ամէն շնորհները տուաւ մեր հոգիներուն, Ան որ հոգիներու փրկութեան միայն աշխատեցաւ, մարմնականին կարեւորութիւն չը տալով բնաւ, ինչպէս կ'ըլլայ որ հիմա նութական կերակուրով զգալի մարմինը միայն սնուցանելու, արբելու կը պարապի: Հակասութեան մը դէմ կը գտնուինք արդեօք, ո՛չ: Խորհուրդին պէտք է սեւեռենք մեր հոգիին աչքերը և իմանանք. — առէք, կերէք, այդ Հացին հետ Մարմին և Արիւն ըլլալու և երկրի վրայ ձեզ նման կատարեալ մարդ երեւնալու գիտութիւնը, վասնզի այդ համն է որ ուտելու ատեննիդ ձեր քիմքը պիտի քաղցրացնէ, ձեր հոգին պիտի ուժովցնէ, ինչպէս հացը կը կերակրէ: Ասոր համար էր որ կ'ըսէր, « Հացն զօր ես տաց՝ մարմին իմ է, զոր ես տաց վասն կենաց աշխարհի, » (Յովհ. 2. 52): Այս հացը զոր ես պիտի տամ իմ մարմինս է, զոր պիտի տամ աշխարհի կեանքին համար, այսինքն ես իմ մարմինս մահու մէջ կը դնեմ, որպէսզի դուք կեանք և յոյս ունենաք և իմ անչափ մարդասիրութեանս գիտութեանը հասնիք, անա այս հացն է, որուն համար ըսաւ նաև Քրիստոս թէ Երկինքէն կ'իջնէ ու կեանք կուտայ աշխարհի:

« Որ վասն ձեր և բազմաց բաշխի՝ ՚ի քաւութիւն և ՚ի թողութիւն մեզաց »:

Ան ինչպէս բաշխուեցաւ մեզի՝ եթէ ոչ իր փրկագործ չարչարանքներովը, ապտակուելով, իր աստուածային երեսին թուք ու մուր ընդունելով, եղէգով գանակոծուելով, նախատուելով, իբրև չարագործ անարգ մահուան ենթարկուելով, այն է խաչուելով: Ահա այս ամէնը իր անհուն

մարդասիրութեան ցոյցերն են, զորս Ան բաշխեց աշխարհի՝ որպէսզի մենք ճաշակենք ներքին մարդուն բերանովը, և այս բազմադիմի շնորհերուն յիշումէն հեշտանալով՝ ինքզինքնիս նուիրենք Աստուծոյ, և մեր մեղքերուն թողութիւնը ընդունինք, այն յուսով ու վստահութեամբ զոր ունինք Տիրոջ խոստումէն թէ զինք ճանչցողներուն հաւատքը պիտի հաստատէ սոյն պատարագի շնորհիւ: Ան որ կը դիտէ այս Ս. Խորհուրդը, առանց ճաշակելու Տիրոջ մարմինը, առանց ներքնապէս և իրականապէս մասնակցելու Անոր պարզ այլ կենսական ու սննդարար Ս. Սեղանին, առանց լսելու Տիրոջը ձայնը, որ կ'ըսէ. « Եղբա՛յր, դուն ալ ա՛ն և կե՛ր այս հացէն, որ իմ մարմինս է, քու անօթի հոգիդ պիտի կշտանայ », ան՝ ոչինչ պիտի հասկնայ Անկէ, ինչպէս որ ոչ մէկ կերպով Անկէ պիտի կրնայ օգտուիլ: Ամէնէն առաջ պատարագողները, խաչի զոհը յիշատակողները, կը կարօտին զայն ուտելու և յետոյ ուրիշներուն կ'ընծայեն իբր նուէր հաշտութեան, որպէս զի ասոնք չեւեն ըսեն թէ « Խիստ է բանդ այդ, ո՞ կարէ լսել դմա ». (Յովհ. 2. 61). Խիստ է այդ խօսքդ, ո՞վ կրնայ մտիկ ընել ատոր. — հասպա ճանչնան խոհականութեամբ թէ Քրիստոսի խօսքերն ու խորհուրդները հոգի ու կեանք են, որ մարմնական նշաններու միջոցաւ մեր մտքին կը հաղորդուին, ու մեր հոգիները կերակրելով կը կենդանացնեն զանոնք մահ պատճառող մեղքերէն, և յետոյ ներքինին հետ մէկտեղ մարմինս ալ կը կենդանացնեն: Իսկ եթէ հոգիի ջերմնաանդութեամբ չուտենք այս հացը, ու այս խորհուրդին զօրութիւ-

նովը մեր հոգիները չկազդուրենք, Տիրոջը ըսածին պէս, առանց հոգիին, մարմնաւոր նշանակները օգուտ չեն ունենար բնաւ : Ահա այս կերպով է որ աշխարհիս սկիզբէն մինչև վերջը, մէկ անգամ միայն կ'իմանանք Քրիստոսի պատարագուիլը . Առաքեալին ըսածին համեմատ (Եբր. Թ. 26—28, Ժ. 9—10) վասն զի ամենքս ալ անոր մահուան անձառելի խորհուրդը կը նուիրենք Աստուծոյ, այսինքն կը յիշատակենք Հայր Աստուծոյ առջև, ու այն մէկ կերակուրով մեր հոգիները կը յագենան : Ո՞վ է այն որ Աստուծոյ սիրոյն կ'անօթենայ, ու բաշխուած կերակուրէն չի կշտանար՝ Քրիստոսի խաչն ու չարչարանքները կրելով . ո՞վ է այն որ մեղքերու թողութեան կը փափաքի, կը տենչայ սրտագին, ու չի սրբուիր, պոռնիկ կնոջ խորհուրդովը (օրինակովը), աւաղակին ողորմութիւնովն ու Քրիստոսի՝ զինքը խաչ հանողներուն ներելուն յիշատակովը . ո՞վ է այն որ հանդերձեալ կեանքին կը փափաքի եւ մեր յուսոյն խարխախնելող Քրիստոսի փարած՝ չի ստանար ու չի վայելեր զԱյն : Նա իր մարմինէն բաշխեց այսքան քաւութեան կերակուրներ, զորս մէկ կողմէն Հօր Աստուծոյ տալով կը հաշտուինք Անոր հետ, իսկ միւս կողմէն ուտելով կը մխիթարուինք :

Դպիրները կը պատասխանեն « Ամէն », այո՛, ո՞վ ժամարար Բահանայ հայր, թո՛ղ ըսածիդ պէս ըլլայ, սիրով ու շնորհակալութեամբ կ'ընդունինք : Սարկաւագին « Օրհնեալ՝ Տէր » ձայնելէն վերջ՝ պատարագիչը Մաղրզման (սկիիին կափարելը) Ս. Հացին հետ մէկտեղ Սեղանին վրայ կը դնէ, և Սկիի մէջ գտնուած բաժակը ծածկաբար օրհ-

նելով՝ սկիիը ձեռք կ'առնէ ու բարձրացընելով կը կրկնէ Քրիստոսի ըսածը « Աբբէ՛ք ի մահնէ ամենքեան, ա՛յս է արիւն իմ նորոյ ուխտի, որ յաղագս ձեր և բազմաց հեղանի՛ ՚ի քաւութիւն և ՚ի թողութիւն մեղաց » : Ասկէ ամէնքդ ալ խմեցէք, ասիկա է իմ արիւնս՝ նոր ուխտի, որ ձեզի և շատերուն մեղքին քաւութեան ու թողութեան համար կը թափուի : Ամէնքդ ալ խմեցէ՛ք իմ մահէս, որպէսզի ինծի հետ ապրիք, ինչպէս որ ըսաւ Զերեթեայ որդիներուն, (Մատթ. Ի. 23) : Առաքեալն ալ կ'ըսէ, « Եթէ մեռաք ընդ նմին՝ և կենդանանամք » . (Բ. Տիմ. Բ. 11) : Թէ որ անոր հետ մեռանք, անոր հետ պիտի կենդանանանք : Հոս բաժակ կը կոչէ իր արիւնը, զի, կրկին անգամ, իր արիւնին հեղումը ուղեց մարմնաւոր նշանակներով մեր սրտերուն մէջ անջնջելի կերպով տպաւորել : Կը հրամայէ մեզի որպէս զի միշտ մեր հոգիներու բերանները բանալով՝ մեր ծարաւցած սրտին տանք զայն որպէս զի չչորանանք յուսահատութեան խորշակէն, այլ անոր արեան ցօղովը՝ յուսով ու սիրով՝ միշտ մեր առաքինական ու բարեպաշտական գործերը ուղեցնք ու ծաղկեցընենք : Ո՛րչափ մեծ էր Աստուծոյ առջև սիրոյ առատութիւնը, այսինքն Քրիստոսի արիւնը զոր ընդունեցինք մեր հոգեւոր փրկութեան համար՝ արբեցանք Անով և զմայլեցանք Անոր վրայ : Այս արիւնէն ճաշակողը, Պօղոս, կ'աղաղակէր « Ոչ ոք կարէ զմեզ մեկնել ՚ի սիրոյն Քրիստոսի յաստեացս կամ ՚ի հանդերձելոցն » : (Հռովմ. Ը. 35—39) : Այս կամ հանդերձեալ աշխարհի բաներէն ո՛չ մէկը կրնայ գատել մեզ Քրիստոսի սէրէն : « Նոր

ուխտի» կ'ըսէ, քանզի Աստուած մարդոց հետ «Հին ուխտ» մ'ալ ըրած էր, այն է Հին Կտակարանին ուխտը, որ սրբուհեցաւ ու հաստատուեցաւ Մովսէսի ձեռքով և երկնյնեբու արիւնովը, զոր ամէնուն վրայ սրսկելով՝ կ'ըսէր Մովսէս. «Այս է արիւն կտակին, զոր ետ ձեզ Աստուած», (Ելից ԻԴ. 8, = Եբր. Թ. 20): Այս է արիւնն այն ուխտին, զոր Աստուած ձեզի տուաւ: Այս ուխտով անջինջ մնաց խաղաղութիւնն՝ Աստուծոյ և Իսրայէլի միջև՝ մարմնաւոր ժառանգութեան պահանջման համեմատ: Այս ուխտին հաստատութիւնը ցուցնելու համար էր որ Աստուած, իր խոստումին համեմատ, պարգեւած երկիրը տարաւ Իսրայէլը: Բայց որովհետեւ անոնք մարմնաւոր ժառանգութեան կը սպասէին, ուստի մարմնաւոր արիւնով ալ դաշինք դրին: Քրիստոս՝ մարմնաւոր աշխարհէն երկինք հրաւիրելով զմեզ՝ պէտք էր որ իր ուխտի ու դաշինքի առհաւատչեայն, իր ուխտը հաստատող օրինակն ալ, երկնաւոր ըլլար, ասոր համար կ'ըսէ, «Այս է արիւն իմ նորոյ ուխտի»: Ասիկա է իմ արիւնս՝ նոր ուխտի: Հանդերձեալ կեանքին յուսալու ուխտ ու գրաւակա՛ն թող ըլլայ իմ այս Արիւնս զոր ձեզի համար կը թափեմ և ձեզ՝ մեզքերով մեռածներդ՝ կը կենդանացնեմ: Քրիստոս իր արիւնովը մեզ իրեն դաշնակից ըրաւ, որպէսզի մենք իր ու մեր մէջ հաստատուած ուխտին նայելով՝ չմոռնանք ո՛չ զինքն և ո՛չ երկինքի ժառանգութիւնը, ասոր համար ալ ըսաւ, «Զայս արարէք առ իմոյ յիշատակի»: Ասիկա ըրէք զիս յիշելու համար, այսինքն այս հացիս նայելով՝ մարմին առնելս յիշեցէ՛ք և զինիս նայելով՝ ձեզ

համար խաչի վրայ արիւն թափելով մեռնիլս: (Տե՛ս նաև Արժ. Տ. Սահակ Քահանայի, Գնահական Կրօնագիտութեան գրքին 887 էջը, Հաղորդութիւնը, Գլ. Դ):

Ասկէց վերջ, ժամարարը խորհրդատեարին վրայէն ծածկաբար կը կարգայ այս ժամուս վերաբերեալ աղօթքը և դպիրները շնորհակալ կ'ըլլան Հայր Աստուծոյ մարդասիրութենէն, որ իր միածին որդին խաչին մահուան մասնեց մեր մեզքերուն քաւութեան ու թողութեան համար, այն Յիսուս Քրիստոսը, որուն Մարմինն և Արիւնին համար պահ մը առաջ ժամարարը բարձրաձայն կ'ըսէր, «Առէ՛ք կերէ՛ք այս է Մարմին իմ և Արբէ՛ք՝ ի սման՝ ամենքեան այս է Արիւն իմ նորոյ ուխտի»: Դպիրներն այս շնորհքի յիշատակութենէն երախտագիտութեամբ լցուած՝ իրենք ալ այդ շնորհն ընդունած ըլլալին կը խոստովանին և անոր բանաւոր հօտին, ժողովուրդին համար կ'երգեն «Ամէն, հայր երկնաւոր» որուն մէջ ողորմութիւն կը խնդրեն նոյն բանաւոր հօտին համար:

Ապա սարկաւագն «Օրհնեա՛, Տէր» կը ձայնէ, ժամարարն ալ՝ «Եւ դքոյս ՚ի քոյոց քեզ մատուցանեմք ըստ ամենայնի և յազազս ամենեցուն»: Քուկիրներդ քուկիրներէդ քեզի կը մատուցանենք ամէն բանի համեմատ և ամէնուն համար: Այն նուէրը, զոր իբրև մեզի մարմնակից և մեզմէ առնուած մարդ, քեզի, հօրդ տուի, քու անճառաբար ծնածդ է և քու որդիդ: Մենք ալ որ քու արարածներդ, քու որդիներդ ենք, իբրև մեր մարմինը և իբրև մեզմէ առնուած՝ զայն քեզի կը նուիրենք. քանզի նոր ուխտով միացած ենք

մենք Քու Որդիիդ հետ, որ մեր մէջ ապրեցաւ իբրև կատարեալ մարդ և կատարեալ Աստուած. որ մեզ կենդանացուց, մեր նիհար՝ անսուաղ հոգիները պարարտացուց իր Մարմինոյն ու Արիւնսովը. և որ վերջապէս մեզ, իր եղբայրակիցները, Քու հետ հաշտեցնելով, Քու որդիներդ ըրաւ. որով վրէժխնդիր ու նախանձոտ Աստուած մը ըլլալէ դադարելով՝ զթառատ, սիրող հայր մ'եղար մեզի համար: Քու Որդիդ էր, որ մեզի սորվեցուց քեզ հայր կոչել:

Դպիրները՝ տեսնելով թէ ժամարարին նուիրած Ընծան Հօր Աստուծոյ կողմէ ընդունուեցաւ՝ շնորհակալութեան օրհնութիւններ կը մատուցանեն Քրիստոսի՝ լսելով, «Յամենայնի օրհնեալ ես, Տէր, օրհնեմք զքեզ, զովեմք զքեզ, գոհանամք ըզքէն, աղաչեմք զքեզ, Տէր Աստուած մեր»: Ամէն բանի մէջ օրհնեալ ես, ով Տէր, կ'օրհնենք զքեզ, կը գովենք զքեզ, գոհութիւն կը մատուցանենք քեզի, կ'աղաչենք զքեզ, ո'վ մեր Տէր Աստուածը: Ո'վ Յիսուս, մեծ ու բազմապատիկ են մեզի ըրած երախտիքներդ ու շնորհքներդ, զորոնք քու Աստուածախառն մարմինիդ միջոցաւ քահանաներուն յանձնեցիր: Ասոնք ալ մեզի համար նոյն պատարագը քու և մեր հօրը՝ մեր Աստուծոյն մատուցին, որպէսզի մենք կարող ըլլանք համարձակութեամբ Անոր սրբարանը մտնելու, ուստի քեզ կ'օրհնենք այն ամէն բաներուն համար, որոնցմով Հայրդ մեզի հետ հաշտուեցաւ: Քու ամէն չարչարանքներուդ համար կը գովենք քեզ, Այն խաղաղութեան միջնորդութիւնդ, որով մենք հիմա կը յուսանք ողորմութիւն գտնել Աստուծմէ, մեր սըր-

տերը քեզի նմատմամբ պաշտամունքով, քու հրամաններդ կատարելու, քու գծած ճամբուդ մէջ քալելու, քու լուծդ սիրով կրելու բուն տենչովն ու յօժարակամ տրամադրութեամբը լեցուցած է: Փառք և օրհնութիւն քեզի:

Ժամարարը գոհութեան աղօթքը կ'ընէ ծածկաբար և սարկաւագին «Օրհնեա՛, Տէ՛ր» էն վերջ դպիրներուն գոհութիւնները տեսնելով՝ Հայր Աստուծոյ կը պաղատի՝ ըսելով, քանի որ դպիրները մեր ամենուս կողմանէ գոհութիւն մատուցին քեզի, քու խաղաղութիւնդ տուր մեզի ամենուս: Ու ժողովուրդին դառնալով «Նաղաղութիւն ամենեցուն» կ'ըսէ, սարկաւագներն ու դպիրները շնորհակալ կ'ըլլան⁽¹⁾ և Քրիստոսի արիւնին շնորհիւ փրկուած բանաւոր հօտին համար ողորմութիւն կը խնդրեն «Որդի Աստուծոյ» ն ըսելով: Այս միջոցիս ժամարարն Ընծան բանալով Հայր Աստուծոյ կողմէ Ս. Հոգիին միջոցաւ հացին ու գինիին Մարմին ու Արիւն Քրիստոսի փոխարկուիլը կը խնդրէ այն աղօթքով, զոր խորհրդատետրին վրայ կը կարդայ ծածկաբար ու ինն անգամ հացին ու գինիին վրայ կը խաչակնքէ, ու՝ սարկաւագին «Օրհնեա Տէր»ին վրայ՝ Ընծան ծածկելով, բարձրաձայն կ'ըսէ, «Որպէսզի եղիցի սա ամենեցուն մեզ մերձեցելոցս յանդատապարտութիւն, ի քաւութիւն և ի թողութիւն մեզաց»: Որպէս զի Ասիկա մեզի՝ ամէն մտեցողներուս՝ անդատապարտութիւն, մեղքերու քաւութիւն և թողութիւն ըլլայ: Այսինքն թէ ասոր համար չըլլանք դա-

(1) Հարկ է որ ժողովուրդը Սարկաւագին «Աստուծոյ երկըրպագեսցուք» ըսած ատենները միատեղ երկրպագութիւն ընէ:

տաստանի պարտական, վասն զի, ինչպէս Պօղոս առաքեալ ըսած է, երբ առանց մեր անձերը փորձելու կը մօտենանք ու կը հաղորդուինք, մեր անձին զատուարտութիւնը կ'ընդունինք միայն : « Որ ուտէ և ըմպէ անարժանութեամբ, դատաստան անձին խրոմ ուտէ և ըմպէ, զի ոչ խորէ զմարմին Տեան » : (Ս. Կորնթ. ԺԱ. 29) : Ով որ անարժանութեամբ կ'ուտէ ու կը խմէ, իր անձին՝ դատարտութիւնը կ'ուտէ ու կը խմէ, ինչու որ Տիրօջր մարմինը չի զանազաներ, տարբեր բան մը չի համարիր ուրիշ հացերէ ու գինիներէ, չի հաւատար որ այս հացն ու գինին Քրիստոսի Մարմինն ու Արիւնն են : Ահա այսպիսի մարդու մը Պօղոս Առաքեալ կ'արգելէ շնորհքը : Իսկ անոնք որ կը հաւատան ու այնպէս կը մօտենան, Աստուածային մեծամեծ պարգևներ ու շնորհքներ կ'ընդունին : Ահա այսպէսներուն սրտին մէջ պիտի հանդէժ Քրիստոս « Որ ուտէ զմարմին և ըմպէ զարիւն իմ, յիս բնակեացէ և ես 'ի նմա » : (Յովհ. 2. 57) : Ով որ կ'ուտէ իմ մարմինս ու կը խմէ իմ արիւնս, նա իմ մէջս կը բնակի և ես անոր մէջը :

Ի պիւրները « Հոգի Աստուծոյ » կ'երգեն : Ով Աստուծոյ հոգին, որ երկինքէն իջնելով կը կատարես, կը նուիրագործես քու փառակցիդ խորհուրդը՝ մեր ձեռքովը, Ասոր արիւնին թափուելովը քեզի կ'աղաչենք մեր ննջեցեալներուն հոգիները հանգչեցուր :

Սարկաւազը կրկին « Օրհնեա՛, Տէ՛ր » կը ձայնէ և Պատարագիչը Ս. Հոգիին նուիրագործած սոյն նուէրովը Հայր Աստուծոյ ծածկաբար կ'աղերսէ խորհրդատեարի այս պահուս վերաբերեալ աղօթքով :

քանզի Ս. Հոգին նուէրին վրայ իջնելով՝ նիւթը կենդանացուց, անշունչը շնչաւորեց, օրինակը ճըմարտութիւն և խորհրդանշանն (հացն ու գինին) ստոյգ Քրիստոսի Մարմինն ու Արիւնն ըրաւ, (Յովհ. ԺԳ. 17—26) : Սոյն ծածուկ աղօթքին վերջին մասն յայտնաբարբառ կ'ըսէ Քահանան, « Ընդ որս և մեզ այց արագես, բարեբար Աստուած, աղաչեմք » : Ով բարեբար Աստուած, դուն որ քու միածին Որդիդ մեզի համար մահուան մասնելով՝ մարդկային աղգին վրայ ունեցած սէրդ յայտնեցիր, (ըստ այնմ թէ « Յայտնեաց Աստուած զՍէրն իւր 'ի մեզ մահուամբ որդւոյն » Հռովմ. Ե. 8, 9 — Աստուած իր՝ մեր վրայ ունեցած սէրը սրդիին մահովը յայտնեց մեզի .) դուն որ այս սիրով այցելութիւն ըրիր բոլոր աշխարհի, Ս. Եկեղեցիին, Եպիսկոպոսներու, Քահանաներու, Թագաւորներու, իշխաններու, մէկ խօսքով բոլոր ժողովուրդներուն, որոնք այլ և այլ գործերով կը զբաղին և մանաւանդ յառաջագոյն մեռածներուն, ասոնց ամենուն հետ մէկտեղ մեզի ալ այցելութիւն ընես, նայիս, կ'աղաչենք :

Ի պիւրները, « Յիշեա Տէր և ողորմեա » կ'երգեն, ըսելով թէ իրենք ալ փափաքելով կը խնդրեն, Պատարագիչ Քահանային և Սարկաւազներուն ըսածները . յիշէ՛ ու ողորմէ՛, ո՛վ Տէր : Յետոյ ժամարարը՝ « Աստուածածին Ս. Կուսին Մարիամու, Ս. Յովհաննէս Մկրտիչին, Սրբոյն Սուփանոսի, և ամենայն Սրբոյ՝ եզիցի յիշատակ 'ի Ս. Պատարագս աղաչեմք » : Աստուածածին Ս. Կոյս Մարիամին, Յովհաննու Մկրտչի և Ս. Սուփանոսի և ամէն Սուրբերու ալ յիշատակութիւնը

Թող ըլլայ Ս. Պատարագի մէջ. կ'աղաչենք : Քրիստոսի մարմնատիկ տնօրէնութիւնը ո՛չ միայն ապրողներու՝ այլ նաև Քրիստոսով ապրող ու Քրիստոսով մեռնողներուն համար էր և է : Հաւատացեալ Քրիստոնեային մահը կեանք է, անմահանալ է, չէ թէ կորսուիլ, այլ անցաւոր կեանքէն անանց կեանքի փոխուիլ է, ինչպէս կ'ըսէ Քրիստոս . « Որ հաւատայ յիս՝ թէպետև մեռանի, կեցցէ » (Յովհ. ԺԱ. 25) :

Սարկաւագները ժամարարին աջ կողմը կեցած՝ կը շարունակեն յիշել մի առ մի ամէն յիշատակելի սուրբերուն անունները, որոնք Քրիստոսի փրկագործ մահուան խորհուրդով, Ս. Պատարագով, սրբուեցան ու մաքրուեցան, և մեզի իբր օրինակ ցոյց կուտան անոնց բարի վարքերն ու բարքերը, որոնցմով անոնք ճշմարիտ անդամներն եղած են Քրիստոսի Երկնաւոր Արքայութեան : « Ուր եսն եմ, կամիմ, Հայր, զի և սոքա ընդ իս իցեն » (Յովհ. ԺԷ. 24) : Ո՛վ Հայր, կ'ուզեմ որ ուր ես եմ՝ անոնք ալ իմ հետս ըլլան :

Ապա Սարկաւագն «Օրհնեա՛, Տէ՛ր» կը ձայնէ : Ժամարարին «Եւս առաւել, զԵպիսկոպոսապետ»էն վերջ բոլոր սարկաւագները՝ Սեղանին ձախ կողմը դալով « Դոհութիւն և փառաբանութիւն » կ'ընեն որոնց դպիրները կը պատասխանեն « Ըստ ամենայնի և յազագս ամենեցուն » ով : Ամէն բանի համեմատ և ամէնուն համար : Երբ կրկին սարկաւագն « Օրհնեա՛, Տէ՛ր » կը ձայնէ, ժամարարը խորհրդատեարի մէջէն իր այս պահուս ըրած ծածուկ աղօթքի վերջին մասը եկեղեցիին մէջ գրտնընդ ամէն կարգի և աստիճանի հաւատացեալ-

ներուն, դպիրներուն, սարկաւագներուն և քահանաներուն ուղղելով կ'ըսէ բարձրաձայն « Եւ եզիցի ողորմութիւն մեծիս Աստուծոյ և փրկչիս մերոյ Յիսուսի Քրիստոսի, ընդ ձեզ ընդ ամենեւեան » : Մեր մեծ Աստուծոյ և մեր փրկիչ Յիսուս Քրիստոսի ողորմութիւնը, ձեզի՛ ամենուր հետ ըլլայ : Ասոր վրայ դպիրներն « Ամէն և ընդ հոգւոյդ քում » ը կ'երգեն, որուն սարկաւագներն « Ամէն և ևս խաղաղութեան զՏէր աղաչեսցո՛ք » ով կը պատասխանեն : Այո՛, ա՛լ աւելի խաղաղութեան համար Տիրոջն աղաչենք : Դպիրներուն « Տէր Ողորմեա » էն ընդմիջուած՝ սարկաւագները կը շարունակեն ըսելով « Ամենայն Սրբովք » ը : Այն բոլոր Սուրբերով զորոնք յիշատակեցինք, ա՛լ աւելի աղաչենք Տերոջը, յետոյ « Վասն մատուցեալ Սուրբ և Աստուածային անմահ պատարագիս որ ի վերայ Ս. Սեղանոյս » ը, Ս. Սեղանոյս վրայ մատուցուած Ս. և Աստուածային պատարագիս համար Տերոջն աղաչենք : « Որպէս զի Տէր Աստուած մեր . . . » որպէս զի մեր Տէր Աստուածը, որ ընդունեց ասիկա, իր Ս. Երկնային և իմանալի մատուցարանին, ընծայարանին, այսինքն Երկինքին մէջ, այն տեղ, ուր Քրիստոս մտաւ և բազմեցաւ Հայր Աստուծոյ աջ կողմը՝ իր համբաւնալէն վերջ, փոխարէն զրկէ մեզի Ս. Հոգիին շնորհներն ու պարգեւներն, Տերոջը կ'աղաչենք, և այլն :

Սարկաւագին « Օրհնեա Տէր » ին վրայ պատարագիչը կրկին այս պահուս վերաբերեալ ծածուկ աղօթքին վերջի մասը բարձրաձայն կ'ըսէ, « Եւ տուր մեզ համարձակաձայն բարրաւով բա-

նալ զբերանս մեր, կարդալ զքեզ Երկնաւորդ Հայր երգել և ասել » : Եւ տուր որ մենք մեր բերանսն երբ բանալով համարձակարար՝ Քեզ մեր Երկնաւոր Հայրը կոչենք ու Քեզի երգենք ու ըսենք Տէրունական աղօթքը, զոր մեր արիւնակից Աստուածային եղբայրը, Քու Միածին որդիդ, մեզի սորվեցուց : Անոր խաչովը փրկուեցանք, ազատուեցանք խաւարին, ագիտութեան և ատելութեան գերութենէն ու լուսոյ և սիրոյ զաւակներ դարձանք, ահա ինչո՞ւ համար համարձակօրէն Քեզ մեր հայրը կը կոչենք ու Քեզի կ'ըսենք « Հայր մեր որ յերկինս ես » և այլն : (« Հայր մեր » ին բացատրութիւնը հոս զնկու հարկ չեմ տեսներ, քանի որ մէկէ աւելի երկերու մէջ կարելի է գտնել զայն) :

Սարկաւազը դարձեալ « Օրհնեա Տէր » կը յարէ, որմէ վերջ ժամարարը կ'աւելցնէ « Ձի քո է արքայութիւն և զօրութիւն և փառք յաւիտեանս ամէն » : Ինչու որ քուկդ է արքայութիւնը, զօրութիւնը և փառքը, հիմա, միշտ և յաւիտեանս. « Խաղաղութիւն ամենեցուն » խաղաղութիւն ըլլայ ամենուդ, որուն կը պատասխանեն դպիրները « Եւ ընդ հոգւոյդ քում » ըսելով : Սարկաւազները Աստուծոյ կրկիրպագելու կը յորդորեն ժողովորդը :

Ասկէց վերջ խորհուրդը բաց կը դրուի ժողովրդին առջև անոնց խնդրուածքին համեմատ :

Երբ ժամարարն այս պահուս վերաբերեալ ծածուկ աղօթքովը Ս. Հոգիին կ'աղերսէ որպէս զի ողորմի ժողովուրդին, Սարկաւազը կը ձայնէ « Պաշտումէ » որ ըսել է, ունկնդիր եղէ՛ք կամ վեր նայեցէք : Ժամարարը միայն Մարմինը

ձեռքովը բարձրացընելով կ'ըսէ « 'ի Սրբութիւն Սրբոց » : Սուրբերուն սրբութիւն ըլլալու համար կը տրուի : Դուք որ զգոյշ, զգաստ կեցաք, Սուրբ Աստուածս ընդունեցէք, դուք որ հոգեւոր աչքերով կարօտագին նայեցաք Անոր, զինքը տեսնելով ցնծացէք, դուք որ ձեր Աստուածը մարմնով տեսնել կ'ուզէիք, տեսէ՛ք զԱյն, ահա ձեր աչքին առջև է Ան, դուք որ զիս խաղաղութեան հրեշտակ զրկեցիք, տեսէ՛ք ահա նոյն ինքը՝ խաղաղարար Քրիստոսը կը ցուցնեմ ձեզի : Աստուծոյ Սէրը ձանչնալ ուզեցիք, ու ահա Հօրմէն գրաւական, առհաւատչեայ առած կը բերեմ ձեզի՝ Անոր միածին որդին : Ինչմէ մեղքերու թողութիւն խնդրեցիք, արդ՝ Սուրբերու Սուրբն առնելով ձեր մէջը կը բաժնեմ : Դուք որ արժանի եղաք հաղորդ ըլլալու Անոր, նայեցէք իրեն որ Սուրբերուն Սրբութիւնն է : Բնութեամբ Սուրբ է Ան, և ամէն անոնք որ հաւատքով Անոր կը նային և զԱնի իրենց մէջ կ'ընդունին, պիտի սրբուին :

Դպիրները կը պատասխանեն « Միայն Սուրբ, միայն Տէր, Յիսուս Քրիստոս 'ի փառս Աստուծոյ Հօր » . Յիսուս Քրիստոսն է մէկ հատիկ Սուրբը, մէկ հատիկ Տէրը, Հայր Աստուծոյ փառքին համար « Յիսուս Քրիստոս 'ի փառս Աստուծոյ Հօր » ըսուած ատենը Պատարագիչը Մարմինն ու Արիւնը մէկտեղ կը բարձրացընէ ցուցընելով ժողովուրդին ժողովուրդը դպիրներուն հետ միացած կ'ուզէ ըսել. Ո՛չ, Քահանայ հայր, ինչպէս կարելի է մեզի, հոգեղէն ու տկար բնութիւն ունեցողներու սրբութիւն ունենալ. Նա միայն Սուրբ, Սուրբերուն Սուրբն է, Նա միայն է Տէր երկնի և երկրի : Սար-

կաւազին՝ « օրհնեալ Տէր » էն վերջ Պատարագիչը կ'ըսէ « օրհնեալ Հայր Ս. Աստուած ճշմարիտ » . օրհնեալ ես , ով Սուրբ Հայր ու ճշմարիտ Աստուած : Դպիրները կը ձայնեն « ամէն » այդպէս թող ըլլայ : Սարկաւազին « օրհնեալ Տէր » էն և դպիրներուն « Ամէն » էն ընդմիջուած՝ Պատարագիչը կը շարունակէ « օրհնեալ Որդիդ Ս. Աստուած ճշմարիտ » , օրհնեալ ես , ով Որդիդ և ճշմարիտ Աստուած : «Օրհնեալ Հոգիդ Ս. Աստուած ճշմարիտ» , օրհնեալ ես սուրբ Հոգիդ և ճշմարիտ Աստուած : Եւ «Օրհնութիւն և փառք Հօր և Որդւոյ և Հոգւոյն Սրբոյ , այժմ և միշտ և յաւիտեանս յաւիտենից ամէն » : Դպիրները կ'երգեն քաղցրաձայն « Ամէն Հայր սուրբ , Որդիդ սուրբ , Հոգիդ սուրբ , օրհնութիւն Հօր և Որդւոյ և Հոգւոյն Սրբոյ , այժմ և միշտ և յաւիտեանս յաւիտենից , ամէն : Պատարագիչը Երրորդութեան կողմէ ընդունած շնորհները ժողովուրդին մի առ մի ցոյց տուաւ . օրհնեալ է Հայրը որ հաշտութեան պատարագն ընդունեց , օրհնեալ է Որդին որ իր եղբայրներուն համար մեռնելով պատարագուեցաւ , օրհնեալ է Հոգին ալ որ երկինքէն իջնելով ինչպէս մեզի իբրև հատուցում շնորհեց : Ժողովուրդն՝ որ հիմա արժանի եղաւ ընդունելու շնորհքը , քահանային գոհարանական աղօթքին ու օրհնութեան ձայնակցելով՝ կը յայտնէ իր գոհութիւնը , ըսելով . այս՝ սիրով և մեծ ուրախութեամբ կ'ընդունինք այս պատարագի մեծ շնորհ՝ որ Հօրը , Որդիին և Սուրբ Հոգիին ամենաառատ զթութենէն շնորհուեցաւ մեզի . և այս անհամեմատ շնորհն արժանի է միշտ օրհնութեան , փառքերու՝ հիմա ,

միշտ և յաւիտեան : Պատարագիչն այս ժամուս վերաբերեալ ծածուկ աղօթքը Քրիստոսի կ'ընէ , որ Հայր Աստուծոյ հետ կը նստի , իր սրբութեան աթոռը , ու հոս սեղանին վրայ կը պատարագուի , ինչդրելով որ արժանի ընէ մեզ (եկեղեցական դասը) հաղորդուելու Տիրոջը Ս. Մարմինն ու Արիւնին , և մեր միջոցաւ մասնակից ընելու հաւատացեալ ժողովուրդը :

Երբ սարկաւազը նորէն կ'ըսէ «Օրհնեալ, Տէր»՝ պատարագիչը Ընծան սկիհով ձեռքն առած՝ ժողովուրդին կը ներկայացնէ և քաղցր ձայնով կը հրաւիրէ ժողովուրդը , որ դան ու ճաշակեն Տիրոջ Մարմինն ու Արիւնը , որուն համար կ'ըսէ « 'ի Սուրբ , 'ի Սուրբ պատուական Մարմնոյ և յԱրիւնէ Տեառն մերոյ և փրկչին Յիսուսի Քրիստոսի՝ ճաշակեսցուք սրբութեամբ որ իջեալ 'ի յերկնից բաշխի 'ի միջի մերում : Սա է կեանք՝ յոյս՝ յարութիւն՝ քաւութիւն և թողութիւն մեզայ : Սաղմոս ասացէք Տեառն Աստուծոյ մերում , սաղմոս ասացէք Երկնաւոր Թագաւորիս մերում՝ անմահի՝ որ նստի 'ի կառս քերովբէականս » : Սրբութիւնով ճաշակեցէք մեր Տիրոջ Յիսուսի սուրբ , պատուական Մարմինէն ու Արիւնէն , որ երկինքէն իջնելով՝ մեր մէջ կը բաժնուի : Ասիկա է կեանքը , յոյսը , յարութիւնը , մեղքերու քաւութիւնն ու թողութիւնը : Սաղմոսերգութիւն ըրէք մեր Տէր Աստուծոյն , սաղմոսերգութիւն ըրէք մեր անմահ , երկնաւոր Թագաւորին որ քերովբէներուն կառքերուն մէջ կը նստի :

Դպիրները ինչպէս նաև ժողովուրդը նստած՝ « Տէր ողորմեա » կ'ըսեն , քանի որ մեր Փրկիչն

երկինքէն երկիր իջնելով մեր մեղքերուն համար պատարագուեցաւ ու սորվեցուց մեզի՝ մեղաւորներուս, թէ իր Մարմինն ու Արիւնը մեզի կեանք է, յոյս է, յարութիւն է, մեղքերուն քաւութիւն ու թողութիւն է, ուստի մենք ալ անխախտ յուսով, ճշմարիտ հաւատքով խնդրուածքներ կ'ընենք, մեր բոլոր պէտքերուն համար, մանաւանդ մեր մեղքերուն քաւութեան և մեր հոգիներուն բժշկութեան համար, «Տէր ողորմեա» ներ (1) ըսելով: Այն ատեն վարագոյրը կը քաշեն:

Ապա սարկաւազը կրկին անգամ սաղմոսերգութեան կը յորդորէ ժողովուրդն, ըսելով «Սաղմոս ասացէք Տեառն Աստուծոյ մերում, դպիրք՝ ձայնիւ քաղցրութեան զերգս հոգեւորս: Զի ամա վայելեն սաղմոսք և օրհնութիւնք, ալէլուք և երգք հոգեւորք: Պաշտօնեայք, հանդերձ երգովք սաղմոս ասացէք և զՏէր յերկինս օրհնեցէք»: Ո՛վ դպիրներ, մեր Տէր Աստուծոյ՝ քաղցր ձայնով սաղմոս ու հոգեւոր երգեր ըսէք, ինչու որ սաղմոսներ ու օրհնութիւններ, ալէլուներ ու հոգեւոր երգեր կը վայելեն անոր: Պաշտօնեաներ, երգերով մէկտեղ սաղմոս ըսէք ու երկինքի Տէրն օրհնեցէք: Սարկաւագները՝ պատարագիչին յոյց տուած այն աւետիսին վրայ ուրախացած՝ գեղեցիկ եղանակով ու քաղցր ձայնով ժողովուրդին ուրախութիւն կ'աւետեն «Սաղմոս ասացէք» ըսելով: Պատարագիչն այս պահուս վերաբերեալ աղօթքներն ու խնդրուածքները կ'ընէ, Հօր ու Որդիին ուղղուած և լալագին թողութիւն

(1) Ասիկա Թէկ խորհրդատետրին մէջ չկայ, բայց բարեպաշտական սովորութիւն մ'եղած է այլ ևս:

կը խնդրէ իր և ամենուն մեղքերուն համար:

Դպիրները կը սկսին երգել «Քրիստոս պատարագեալ բաշխի՝ ի միջի մերում, ալէլուիա»: Քրիստոս պատարագուելով՝ մեր մէջ կը բաժնուի, ալէլուիա (որ ըսել է, Տէրն օրհնեցէք): Քրիստոս երկինքէն երկիր իջնելով՝ մեզի համար պատարագուեցաւ և Հայր Աստուծոյ հետ մեզ հաշտեցուց, և հիմա իր Մարմինն ու Արիւնը մեր հոգիներուն իբրև կեանքի դեղ կը բաժնէ:

«Զմարմին իւր սայ մեզ կերակուր, և Ս. զԱրիւնն իւր ցօղէ՝ ի մեզ, ալէլուիա»: Իր մարմինը կուտայ մեզի իբրև կերակուր, և իր Ս. Արիւնը մեր վրայ կը ցօղէ, կը սրսկէ: Ինչպէս որ քիչ մ'առաջ ժամարարն անուշ ձայնով ժողովուրդը հրաւիրեց որպէս զի Քրիստոսի Մարմինն ու Արիւնը սիրով ձաշակեն, դպիրներն ալ աւելի ուրախութեամբ նոյնը կրկնելով՝ կ'ըսեն.

«Մատիք առ Տէր և առէք զլոյս, ալէլուիա»: Տիրոջը մօտեցէք ու լոյսը առէք: Ով ժողովուրդ, մեր Տէրը լոյս է, կնոյր մօտեցիր որպէս զի քու խաւար հոգիդ լուսաւորուի:

«Ճաշակեցէ՛ք և տեսէ՛ք, զի՛ քաղցր է Տէր, ալէլուիա»: Տէրը ձաշակեցէ՛ք ու տեսէ՛ք, թէ ո՛րքան քաղցր ու անուշ է անիկա: Եթէ մեր շրթունքները այս զգալի հային մօտեցուցած աւտեն, չբանանք նաև մեր սիրտը, սիրով ու ներողամտութեամբ լեցուն սիրտը՝ Քրիստոսի առջև, չբանանք մեր մեղքերը անոր կենսատու լոյսին առջև, չենք կրնար ձաշակել Տիրոջը քաղցրութիւնը: Իսկ եթէ այս հային հետ աչքի առջև ունենանք Քրիստոսի մահը, որ մեզի համար տե-

զի ունեցաւ, ու Քրիստոսի Տնօրէնութիւնն յիշատակելնուս համար Ս. Հոգիին՝ Քրիստոսի սոյն մարմինին միջոցաւ՝ մեր հոգիին մէջ անցնելը, արդարեւ կը տեսնենք ու կը ճանչնանք որ մեր արժանաւորութիւնէն շատ աւելի մեծ եղաւ Տիրոջը մեզի ցուցած քաղցրութիւնն ու բարութիւնը: Ասով կ'իմանանք թէ չենք կարող այս անհամեմատ շնորհին փոխարինութիւն մ'ընել: Ահա ինչու համար դպիրները, որ երբեմն այս լոյսը ճաշակած են և Տիրոջը քաղցրութեան համն առած, Տէրն ըստ արժանւոյն փառաբանելու մասին իրենց անկարողութիւնը տեսնելով, սոյն գոհարանական աղօթքներուն ձայնակցելու կը կանչեն հրեշտակներու դասը, և մանաւանդ՝ տեսնելով թէ Քրիստոսով այս երկիրս երկինք եղաւ, ու մարդիկ հրեշտակներու հետ միացան՝ կ'ըսեն.

«Օրհնեցէք զՏէր յերկինս, ալէլուիա», Ով հրեշտակներ, դուք օրհնեցէք Տէրը, մենք երկրաւորներս ինչպէս կրնանք երկնաւոր շնորհի փոխարէնը հատուցանել երկրաւոր երգեր երգելով:

«Օրհնեցէք զնա ՚ի բարձունս, ալէլուիա»: Երկինքի բարձրութեան մէջ օրհնեցէ՛ք զԱնիկա, վասն զի գիտենք թէ մեզի ուրախակից ըլլալով աւելի ևս կ'օրհնէք Տէրը, ո՛վ հրեշտակներ, մանաւանդ երբ կը տեսնէք մարդոց մեղքերուն թողութիւն ըլլալը, «Ուրախութիւն է առաջի հրեշտակաց՝ մարդկան փրկութիւն»: (Մատթ. ԺԸ. 10. Դուկ. ԺԵ. 10): Մարդոց փրկութիւնը հրեշտակներու առջև ուրախութիւն է:

«Օրհնեցէք զնա ամենայն հրեշտակք նորա, ալէլուիա»: Ով անոր բոլոր հրեշտակները, զԱնի

օրհնեցէք: Բոլոր երկնային թագաւորութիւններ հրեշտակ կ'ըսուին, վասն զի իրարու միջոցաւ Աստուծոյ գիտութեան լոյսն երկինքէն երկիր կ'իջեցնեն, և իրարու միջնորդ ու պատգամաւոր կ'ըլլան: Դպիրները ասոնց ամենուն կ'աղերսեն որ մեզի հետ օրհնեն Տէրը: (Եբր. Ա. 14: Եփես. Գ. 10: Յայտ. 6-8): [Տես նաև Արժ. Տ. Սահակ քահանայի, քննական Կրօնագիտութեան գրքին 105 էջ, Յօդուած Բ. Արարչութիւն Հրեշտակաց]:

«Օրհնեցէ՛ք զնա ամենայն զօրութիւնք նորա, ալէլուիա»: Ով անոր բոլոր զօրութիւններն, օրհնեցէ՛ք զԱնիկա: Աստուծոյ զօրութեամբ զօրացած հրեշտակներ, միշտ օրհնեցէ՛ք: Զօրութիւն բացած թէպէտ Երկնքի երեք պարունակներէն միջինին ուր մէջ գտնուող երեք կարգերուն երկրորդին տրուած անունն է, սակայն Ս. Գիրքը շատ անդամներ բոլոր հրեշտակներն Աստուծոյ զօրութիւնները կ'իմանայ, ուստի և կ'ըսէ. — Օրհնեցէ՛ք Տէրը, ո՛վ անոր բոլոր զօրութիւնները: (Եփես. Ա. 21: Կող. Ա. 16):

Երբ պատարագիչին ծածուկ աղօթքէն վերջ վարագոյրը կը բացուի ⁽¹⁾ Սարկաւագը կը ձայնէ. «Երկիւղիւ և հաւատով յառաջ մատիք և սրբութեամբ հաղորդեցարուք ⁽²⁾»: Այն որ Աստուծոյ

(1) Եթէ սոյն սուղմոսին լրանալէն վերջ Պատարագիչը դեռ չէ աւարտած իր աղօթքները, կամ մարմինին մէկ մասին ճաշակելը և բաժակին խմելը, դպիրները աւեր պատշաճի «Տաղ» մը կ'երգեն:

(2) Հաղորդութիւն չառնողները կամ ուշ առնողները հարկ է որ լսեն այս կոչումը ու անպատճառ իրենց մեղքերէն հեռանալով՝ որ լսեն ու հաղորդուին, վասն զի ինչպէս մեղքով մտանալը, նոյնպէս մեղքերուն վրայ չզղջալով չհաղորդուողներն ալ մեղք գործած կ'ըլլան: Ժամանակին հոգիին կերակուրը չուտելով՝ հոգին ալ բնականաբար ուժասպառ կ'ըլլայ:

վախովն ու հաւատքովը լեցուած՝ Անոր այս Սուրբ
 Խորհուրդին կը մօտենայ, ճշմարտապէս կեանք կ'ըս
 տանայ, իր սիրտն Աստուծոյ տունն ու բնակ
 րան կ'ընէ, իր արտաքին՝ մանաւանդ ներսը
 մարդը կը նորոգուի, կը մաքրուի և կ'անմահա
 նայ, ինչպէս կ'ըսէ Աստուածաբան մարգարէն,
 «Զի ահաւասիկ այս մերձեցեալ ի շրթունս ձեր,
 լուանայ զամենայն անօրէնութիւնս, և զմեղս ձեր
 սրբէ ի ձէնջ» (Եսայ. Զ. 7): Ահա անիկա ձեր շրթ
 թունքներուն զպելով ձեր անօրէնութիւնները վեր
 ցուց ու ձեր մեղքերուն թողութիւն տուաւ :

Սարկաւազը կը հրամայէ, որպէս զի հրամա
 նով և կոչումով՝ ո՛չ թէ անձնիշխան կամքով յա
 ռաջ գան ու հաղորդուին, ինչպէս կ'ըսէ. (Առակ
 Թ. 3-5): Առաքեաց զժառանգս իւր, բարձր քա
 ղողութեամբ կոչել ի խառնելիս իւր՝ և ասէ որ ոք
 իցէ անզգամ, եկեացէ առ իս, արբցէ, և ցարկա
 սամիտան ասէ, եկայք կերայք ի հացէ աստի իմմէ
 և արբէք զզինիս զոր խառնեցի » : Իր ծառաները
 զրկեց, որ գան բարձրագոյն քարողութիւնով ի
 բնն պատրաստած ըմպելին ճաշակելու նրաւիրեն .
 և ըսաւ. Ո՛վ որ անզգամ է թող ինձի գայ ու խմէ:
 Պակասամիտներուն ալ ըսաւ. Եկէք այս իմ հացէս
 կերէ՛ք և այս պատրաստած գինիէս խմեցէ՛ք : Ա.
 սիկա է այս և հանդերձեալ աշխարհի համար կեանք
 ու զօրութիւն՝ բոլոր հոգիով ու հաւատքով մօ
 տեցողներուն : Ասիկա ոչ միայն զղջացող մեղա
 ւորին թողութիւն կուտայ, այլ նաև մեր հոգին
 մեղքի դէմ զօրացնելով՝ մեզ հեռու կը պահէ ան
 կէ : Եթէ ճաշակողը պակասամիտ և անզգամ ալ
 ըլլայ, շուտով կը փոխուի : Թէ որ մարդ միայն

որ
 համարմնաւորապէս մօտենալը բաւական սեպէ, հո
 Ա. ւորապէս անօթի մնալով՝ ա՛լ աւելի պակասա
 ջեք ո՛ր ու անզգամ կ'ըլլայ, ինչու որ մեր Տէր Յի
 սոսը հոգի ու կեանք է հոգիներուն, երկինքէն
 իջած հոգեւոր հաց և կերակուր է, ու հոգիին
 կեանք տալու համար երկրի վրայ զգալի մարմ
 նով երեւցող Փրկիչն է :

Երբ Պատարագիչը իր չորս բեկած Ս. Հացին
 մէկ մասը ճաշակէ, վարագոյրը կը բացուի, որ
 աստն սարկաւազը « Երկիւղիւ և հաւատով » կը
 ձայնէ և ժամարարը Ս. Հացի կտորներէն մնացա
 ծը կը բերէ, ու կը բաշխէ խոստովանութեամբ ու
 ապաշխարութեամբ մօտեցողներուն ⁽¹⁾ և եթէ ա
 ւելցած ալ կայ, վարագոյրը զոցուելէն վերջ,
 զայն ալ կը ճաշակէ : Դպիրները հաղորդութենէն
 վերջ « Աստուած մեր և Տէր մեր երեւեցաւ մեզ,
 օրհնեալ եկեալ անուամբ Տեառն » կ'ըսեն : Մեր
 Աստուածը, մեր Տէրը մեզի երեւցաւ, օրհնեալ
 ըլլայ տիրովը անունով եկողը : Պատարագիչը սը
 կիհը ձեռքն առած՝ հաղորդուողները խաչակնքե
 լով « Կեցո՛, Տէր, զժողովուրդս քո և օրհնեա՛ զժա
 ոանգութիւնս քո, հովուեա՛ և բարձրացո՛ զոսոս
 յայսմհետէ մինչև յաւիտեան » կ'ըսէ. Ո՛վ Տէր, քու
 ժողովուրդդ ապրեցուր, քու ժառանգութիւնդ
 օրհնէ՛, հովուէ՛ ու բարձրացո՛ւր զասոնք՝ այսօր
 ուրնէ մինչև յաւիտեան :

Կ'աւարտի այժմ Ս. Պատարագի խորհրդաւոր

⁽¹⁾ Հարանիքի լաթ հագնողներուն : Կարդա՛ Մատթ. ԻԲ.
 1-14 և ապաշխարութեամբ աշխատէ գէթ տարին մէկէ աւելի
 անգամներ մօտենալու Ս. Հաղորդութեան, ճշմարիտ հարսնելորի
 մը պէս :

արարողութիւնը . ուստի պատարազիչը ծածուկ գոհարանութեան աղօթքներ կ'ընէ :

Գլխորդներն ալ մեծ ուրախութեամբ լեցուած կ'երգեն՝ ըսելով . « Լցաք 'ի բարութեանց քոց , Տէր , ճաշակելով զՄարմին քո և զԱրիւն , փառք 'ի բարձունս կերակրողիդ զմեզ » : Ով Տէր քու բարութիւններէդ լեցուեցանք՝ Մարմինդ ու Արիւնդ ճաշակելով՝ ուստի փառք քեզի երկնքի մէջ , քեզի որ մեզ կերակրեցիր : « Որ հանապազ կերակրես զմեզ՝ առաքեա 'ի մեզ զհոգեւոր քո զօրհնութիւնս , փառք 'ի բարձունս . . . » : Դուն որ միշտ մեզ կը կերակրես , մեզի զրկէ քու հոգեւոր օրհնութիւններդ , փառք քեզի . . . :

Սարկաւազը բարձրաձայն կրկին կը հրամայէ հաւատացեալներուն որ գոհութիւն մատուցանեն Աստուծոյ՝ ըսելով . « Եւ ևս խաղաղութեան զՏէր աղաչեսցուք » . խաղաղութեան համար ա'լ աւելի Տիրոջը աղաչենք :

Գլխորդները « Տէր , ողորմեա՛ » կ'ըսեն :

Սարկաւազը՝ « Եւ ևս հաւատով ընկալեալք յԱստուածային սուրբ , յերկնային , անմահ , յանարատ և անապական խորհրդոյս՝ զՏեառնէ գոհացարուք » : Հաւատով այս Աստուածային սուրբ , երկնային , անմահ , անարատ և անապական խորհուրդէս մաս մը ընդունողներ , ա'լ աւելի Տիրոջը գոհութիւն ու շնորհակալութիւն մատուցէք :

Գլխորդները 'ի դիմաց հազորդուող ժողովուրդին կը սկսին երգել գոհ սրտով . « Գոհանամք ըզքէն , Տէր , որ կերակրեցիր զմեզ յանմահական սեղանոյ քոյ : Բաշխելով զՄարմինդ և զԱրիւնդ 'ի փրկութիւն աշխարհի և կեանք անձանց մե-

րոց » : Կը գոհանանք քեզմէ , ո'վ Տէր , որ մեզ քու անմահական սեղանէդ կերակրեցիր , քու Մարմինդ և Արիւնդ աշխարհի փրկութեան և մեր անձերուն կեանք ըլլալու համար բաշխեցիր :

Սարկաւազին « Օրհնեա՛ , Տէ՛ր » էն վերջ , պատարաղիչը երկճղի թագը գլուխը դրած , հողաթափն հագած , իր առջի տիրական կերպարանքը ստացած և Ս. Աւետարանը ձեռքը՝ կը սկսի բարձր ստացած և Ս. Աւետարանը ձեռքը՝ կը սկսի բարձր ձայնով աղօթել , օրհնելով և ըսելով այս խիստ գեղեցիկ ու հոգեյոյզ աղօթքը . « Որ օրհնես զայնոսիկ , որք օրհնեն զքեզ , Տէ՛ր , և սուրբ առնես զյուսացեալսն ի քեզ » : Ո'վ Տէր , դուն որ զքեզ օրհնողները , փառաւորողները կ'օրհնես ու կը փառաւորես և քեզ յուսացողները սուրբ կ'ընես Այս խօսքերը կ'ուղղէ Քրիստոսի , որով երկրի բոլոր ազգերն օրհնուեցան և՛ ասոր համար է որ բոլոր ազգերն ալ կերան զանիկա : Բայց՝ ըսելով « Գեղ օրհնողները քեզմէ ալ կ'օրհնուին » , ոչ թէ Աստուծոյ մեր օրհնութեան կարօտ ըլլալը կը յայտնուի , այլ անոր վրայ մեր ունեցած սէրն ու հաւատքը , ինչու որ օրհնութիւնն ասոնցմէ առաջ կուգայ , ու մենք կ'օրհնենք զԱնի , մեր հասողութեան ծանրագոյն կարողութիւնը տալով անոր : Իսկ Անիկա մեր՝ լոկ խօսքով իրեն տուած արդեամբ , իրապէս կը ցուցնէ մեզի : Մարդիկ իրենց կամքին յօժարութիւնը կը ցուցնեն՝ զԱստուած օրհնելով , որպէս թէ բաւ ուզէին , թէ կարելի ըլլար , սիրտս կը բողձայ որ ուրիշ օրհնութիւններ ալ աւելցնեմ քու օրհնութիւններուդ վրայ , և փառքերուդ վրայ ուրիշ փառքեր : Իսկ ամէն բանով լեցուն , ամէն բանի կատարելութիւնն ե-

զող Աստուածն՝ որպէս թէ տկարէ մ'առնելով անոր կամքին յօժարութիւնն ու սէրն, որ իր խօսքերուն զօրութիւնէն կը ճանչցուի՝ նոյն օրհնութիւնն ասոր կը դարձունէ :

« Կեցո՛, Տէ՛ր, զժողովուրդս քո, և օրհնեա՛ զժառանգութիւնս քո » : Ով Տէ՛ր, քու ժողովուրդդ ապրեցուր ու քու ժառանգութիւնդ օրհնէ : Այս եկեղեցին Քրիստոսի սեպհական ժողովուրդն ու անոր ժառանգութիւնն է, ինչպէս որ իր արիւնք սալով գնեց զայս :

« Զլրումն Եկեղեցւոյ քո պահեա՛, սրբա (սուրբ արա) զսոսա, որք ողջունեցին (ողջունեն) սիրով զվայելչութիւն տան քո և մի՛ թողուր զյուսացեալս 'ի Քեզ » : Պահէ՛ եկեղեցիին ամբողջութիւնը, սրբէ՛ զանոնք, որոնք քու տանդ վայելչութիւնը սիրով ողջունեցին, սիրով ընդունեցան : Քու Աստուածային զօրութեամբդ փառաւորէ՛ մեզ, և քեզ յուսացողներս երեսէ՛ մի ձգեր :

« Զխաղաղութիւն պարգեւեա՛ աշխարհի, Եկեղեցեաց, քահանայից, թագաւորացն Քրիստոնէից և զինուորեալ մանկանց նոցա, և ամենայն ժողովրդեանս » : Խաղաղութիւն պարգեւէ, աշխարհիս, Եկեղեցիներուն, Քահանաներուն, Քրիստոնեաներուն թագաւորներուն եւ անոնց՝ Քրիստոսի համար զինուորագրուած զաւակներուն, և այս բոլոր ժողովուրդին :

Տեսակ սեսակ խորհրդաւոր խնդրուածները, զորոնք պատարագիչն Աստուծմէ խնդրեց և հաւատքով ընդունեց, կը բերէ կը սիւսէ ամենուն վրայ, յանձնելով այն շնորհքները հաւատացեալ-

ներուն, որոնցմէ պատգամաւոր զրկուեցաւ Աստուծոյ առջև :

« Զի ամենայն տուրք բարիք և ամենայն պարգեւք կատարեալք 'ի վերուստ են իջեալք առ 'ի քէն, որ ես Հայր լուսոյ » . Ինչու որ ամէն բարի տուրքերն ու ամէն կատարեալ պարգեւները վերէն՝ քեզմէ են իջած, որ լուսոյ Հայր ես : Բարի տուրքերն Աստուծոյ զանազան խնամքներն են, զոր առաջուց պատրաստած է և կուտայ մեզի և որոցմով Աստուած իր արարածները կը կառավարէ, [ըստ այնմ «Նովաւ կեամք և շարժիմք և եմք», (Գործ. Ժէ. 28) : Անով կ'ապրինք, կը շարժինք ու կը կենանք], նոյնպէս պարգեւներ ալ կը զրկէ մեզի ամէն մէկուս մեր խնդրուածքներուն ուժին ու ինչորոշներուս օգտին համեմատ :

« Եւ քեզ վայելեն փառք, իշխանութիւն և և պատիւ » : Ու քեզի կը վայելեն փառքը, իշխանութիւնն ու պատիւը : Ամէն շնորհքներուն տեղ զոր քեզմէ կ'ընդունինք, չունինք ուրիշ փոխարինութիւն, բայց միայն այս փառաբանութիւնները, որոնք ոչ թէ քու փառքիդ վրայ յաւելուած մը կ'ընեն, այլ քու վրայ մեր ունեցած սիրոյն լացալայտ մէկ ապաշոյքը կուտան « Այժմ և միշտ և յաւիտեանս ամէն » :

Դպիրները սոյն աղօթքն ընդմիջելով՝ « Ամէններ » կ'ըսեն և վերջը երեցս կրկնելով կ'երգեն « Եղիցի անուն Տեսուն օրհնեալ յայսմհետէ մինչև յաւիտեան » : Տիրոջն անունն ասկից մինչև յաւիտեան օրհնեալ թող ըլլայ : Ըսել կ'ուզին թէ Տիրոջը անունը չէ թէ հիմա կ'օրհնենք, այլ միշտ և յաւիտեան պիտի օրհնենք : Հաղորդութիւն չառ-

նողները երկու դասերուն և դաւիթին մէջ բաժնուած՝ « մասերուն » միայն կը մասնակցին :

Ժամարարը բեմէն վար իջած (1) սեղանին առջև կ'աղօթէ ըսելով, « Կատարումն օրինաց և մարգարէից դու ես, Քրիստոս Փրկիչ մեր, որ լցեր (լցուցիր) զամենայն Հայրակամ անօրէնութիւնսքս, լի'ց (լցո՛ւ) զմեզ հոգւովդ սրբով » : Օրէնքներուն ու Մարգարէներուն լրումը դուն ես, ո՛վ Քրիստոս մեր Փրկիչը, որ կատարեցիր, լրացուցիր քու Հօրդ կամքովն որոշուած բոլոր անօրէնութիւններդ . մե՛զ ալ լեցուր քու Ս. Հոգիովդ : Մինչև հիմա կատարուած բոլոր անօրինական խորհուրդներուն բովանդակութիւնն է այս :

Բայց ինչո՞ւ « Հայրակամ անօրէնութիւն » կ'ըսէ, վասն զի ո՛չ թէ ինքն իրմէ, այլ Հօրը կամքովն ըրաւ ամէն ինչ : — Չէ՞ որ ըսած է « Ես յանձնէ ինչ ոչ խօսիմ, այլ Հայր ետ ինձ պատուէր՝ զինչ ասացից և զինչ խօսեցայց », (Յովհ. ԺԲ. 49), Ես իմ կողմէս բան մը չեմ խօսիր, այլ հայրը պատուէր տուաւ ինձի՝ թէ ի՛նչ պիտի ըսեմ և ի՛նչ պիտի խօսիմ :

« Լի'ց (լցո՛ւ) և զմեզ հոգւովդ սրբով » . Լեցո՛ւր մեզ Ս. Հոգիովդ : Տնօրէնութեան բոլոր զիտաւորութիւնը հոս էր, Հոգին՝ Աղամին մեղանչելովը մեր մէջէն վերցուեցաւ, նոր Աղամի շնորհիւ կրկին մեզի դարձուեցաւ : Արդ՝ քանի որ մենք անօրէնութեանը յիշատակը լիովին կատարեցինք, կը խնդրենք նոյնպէս՝ որ լեցուինք ամենքս ալ Ս. Հոգիին պարգեւներովը, զոր Քրիստոսի

(1) Այս՝ բեմէն իջնելը կը խորհրդանշանէ Փրկչի՝ վերջի գալուստը, կամ յարութենէն վերջ հաւատացեալներուն երեւալը :

ածային Մարմինին ներգործութեան միջոցով մէջ ընդունեցինք :

ամարարը վերջին աւետարանն ալ (Յովհ. 14) կը կարդայ (1) և պահպանիչը կ'ըսէ, է ետք դպիրները կ'երգեն « Օրհնեսցուք ամենայն ժամ, յամենայն ժամ օրհնութիւն ի բերան մեր (է) » . Տէրն ամէն ատեն օրհնութիւն ատեն անոր օրհնութիւնը մեր բեթող ըլլայ : Ասոր վրայ ժամարարը կ'ըսէ . ի՛նչ եղերուք ՚ի շնորհաց Ս. Հոգւոյն . երեսաղաղութեամբ և Տէր Յիսուս եղիցի ընդդէմ ամենեւեան, ամէն » : Ս. Հոգիին չընդունէն օրհնուած ըլլաք, խաղաղութեամբ, և Տէր Յիսուս ձեր ամենուր հետ թող Հաւատացեալները « Ամէն » և կամ « Մետուծոյ » ըսելով կուգան ժամարար Քաճեռքը գտնուած Ս. Աւետարանը կը համու հոգեւոր մեծ ուրախութեամբ լեցուած՝ զվերադառնան : Ես ալ կը մաղթեմ հաւածչմարիտ Քրիստոնեաներուն, որ արժանի թէ՛ հոս և թէ՛ հանդերձեալին մէջ, օրհնութեան արեւ զՀայր և զՈրդի և զՍուրբ այժմ և միշտ և յաւիտեանս յաւիտենից

նանք այս Աւետարանին տեղ ուրիշ յարմար սեպած Ամը կը կարդան :

Ա. Կ. Գործիս մէջ գործածուած երկնի թագ բաժնի խոյր իմաստով ամենէ երբ պատարագիչը քահանայ

Վ Ե Ր Զ

ՀՀ Ազգային գրադարան



NL0162483

ՀՐԱՏԱՐԱԿԶԱԿԱՆ ՊԱՅՄԱՆՆԵՐ

Գործակալութիւնը կրասանձնէ ուրիշ Հեղինակներու պատաստած գրքերը, մանաւանդ դասագրքերը հրատարակել՝ Մէարիժէն վաւերացման, սպագրութեան, փորձերու սրբագրութեան, կազմի եւ այլ աշխատութիւններ կատարելով :

Ի դիւրութիւն անոնց որ մտադիր են ո՛ր եւ է գրքի հրատարակութիւնը ընել, ստորեւ ցոյց կուտանք ինչ ինչ միջոցներ ու պայմաններ որոնց գործադրութիւնն անհրաժեշտ է :

1. Տպուէլի գրքին ձեռագիրը **ԵՐԵՔ ՕՐԻՆԱԿ** գրուելով մեզի դիմուելու է, (վաւերացման համար Մէարիժէն ներկայացուած ձեռագիրներէն ըստ օրինի *երեք օրինակ* ըլլալու են):

2. Ձեռագիրը *սեւնէրէ վերջ* միայն կրնանք որոշել թէ գիրքը ինչ դիրքով ու ծաւալով եւ հանի՞ ժողովուրդը կրնայ ըլլալ :

Թէ ո՞րչափ գումարի կրնայ հասնիլ անոր սպագրութեան, քրքի, կազմի, սրբագրութեան եւ ուրիշ ծախքերը :

Թէ ո՞րքան օրինակ պէ՞տք է եւ կրնայ տպուիլ :

Թէ Գաւթեան Գործակալութիւնը կը ստանձնէ՞ հոգալ գրքին ծախքը եւ *իր հաշուին* կատարել սպագրութիւնը :

Թէ՛ այս պարագային՝ ի՞նչ իրաւունք կը վերապահէ գրքին տիրոջը կամ հեղինակին :

Այս ամէն կէտերը կարելի չէ որոշել մինչեւ որ աչքի առջեւ չունենանք տպուէլի ձեռագիրը :

Ձեռագիրը չորհած՝ այս պայմաններու մասին նամակով մեզի հարցումներ ուղղել աւելորդ ժամաւաճառութիւն ու յոգնութիւն պիտի ըլլար, որոնց պէ՞տք չըողելու համար է որ այս տեղեկութիւնները կը յանձնենք Մեծարայ Հեղինակներուն ուստիութեան, որպէս զի գիտակցաբար համակերպին վերոյիշեալ առաջին պայմանին, եւ **ԵՐԵՔ ՕՐԻՆԱԿ** ձեռագիրները *ապահովագրուած* դրկեն մեր հասցէին :

3. Իսկ, անոնք որ կ'ուզեն իրենց հաւուսին կատարել գրքին հրատարակութիւնը, պէ՞տք է հոգան ծախքերը, նշոյնքն թէ ի՞նչ դիրքով ու քրքով, ի՞նչ հանակութեան *ու* կազմով կ'ուզեն հրատարակել իրենց գիրքը : Այս պարագային ալ, ծախքին համակութիւնը որոշելու համար, դարձեալ անհրաժեշտ է որ տեսնենք ձեռագիրը եւ ըստ այնմ ցոյց տանք մտաւոր հաշիւը :

